

C40  
4514  
(1)

6  
7  
8  
9  
60  
1  
2  
3  
4  
5  
6  
7  
8  
9  
70  
1  
2  
3  
4  
5  
6  
7  
8  
9  
80  
1  
2  
3  
4



60 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9

C40-4574

了翁上座請大藏及有  
家書置之武州紫雲山  
我後笑瑤院庫府中未  
為學者不致詩品院內  
當山三世鐵牛機謹誌



B 64853

大方廣佛華嚴經疏鈔卷第三十九

于闐國三藏沙門實又難陀 譯

清涼山大華嚴寺沙門澄觀撰述

十地品第二十六之六

疏第十法雲地。所以來者。瑜伽意云。雖於一切品類宣說法中。得大自在。而未能得圓滿法身。現前證受。今精勤修習。已得圓滿。故有此來論云。於九地中。已作淨佛國土。及化衆生。第十地中。修行令智覺滿。此是勝故。以八九二地同無功用。故對之顯勝。有此地來。又一乘中最居極故。鈔瑜伽唯



攝第九。於中有三。先明九地所能。次而未下明前地不能。則是舉劣顯勝。後今精勤下。顯此地之能。卽舉勝揀劣。論云下。二引本論通攝前九。故云於九地中。非第九也。已作淨佛國土卽第八地。及化衆生卽第九地。旣通前九而偏語八九者。後三同無功用。故舉揀異。又入多約身。九多約語。今云智滿。多約意業。故勝於前。言智覺滿者。智度圓故。菩薩地盡故。

疏次釋名。下自有釋名分。今且畧解。雲者是喻。畧有二義。一含水義。二覆空義。三注雨義。約法就喻。則有多義。雲有四義。一喻智慧。二喻法身。三喻應身。四喻多聞熏因。空亦四義。一喻真如。二喻龐重。三喻法身。四喻梨耶。攝大乘論云。由得總緣。一切法智。含藏一切陀羅尼門。三摩地門。此喻含水義。總緣一切法契經等智。不離真如。如雲合空。總持三昧。卽是水也。又云譬如大雲。能覆如空廣大障。故此喻覆空義。卽以前智能覆惑智二障。又云。又於法身能圓滿故。此有二義。一喻雲雨義。卽上之智。出生功德。充滿所依法身故。二喻徧滿。卽前之智。自滿法身耳。故金光明云。法身如虛空。智慧如

撰述  
大雲成唯識中亦有二義。全同攝論。而瑜伽云。籠重之身。廣如虛空。法身圓滿。譬如大雲。皆能徧覆。此同攝論第二義。而無性釋以智覆空。此以法身者。智滿則法身圓滿。起信論云。顯現法身。智純淨。故本分云。得大法身。具足自在。亦以法身喻雲。真諦三藏釋金光明經云。虛空喻三法身。雲喻三法之智。此法喻亦齊。似非經意。此喻位極。非道前故。莊嚴論第十三云。於第十地中。由三昧門及陀羅尼門。攝一切聞熏習因。徧滿阿黎耶識中。譬如浮雲。徧滿虛空。能以此聞熏習雲。於一一剎那。於一

一相。於一一好。於一一毛孔。雨無量無邊法雨。充足一切所化衆生。由能如雲。雨法。雨故。故名法雲。此從法身未及佛故。立賴耶名。十住論云。於無佛世界。能雨法雨。故瑜伽又意云。言大雲者。未現等覺。若現等覺。能雨大雨。作利益故。是則密雲不雨。含德而已。然諸釋雖衆。不出二義。謂以智慧含德。徧斷諸障。徧證法身故。鈔亦四義下。影出如空。以標名。雖無釋有空故。攝大乘下。以諸經論釋上空雲。總有九釋。兼攝論三義。成十一義。一引攝論。總有三義。此卽第一義。從此喻下。疏釋彼論。此句

撰述  
善願頭鈔卷二十九  
卽疏從總緣下無性釋論彼釋具云由得總緣一切法智總緣一切契經等不離真如此一切法共相境界智譬如大雲陀羅尼門三摩地門猶如淨水智能藏彼如雲含水有能生彼勝功德故釋曰共相境智者雲與空合如智與境冥又共相卽是總釋之義今疏取其要言釋彼本論義已盡矣又云下卽攝論第二義從此喻下疏釋彼論從卽以下取無性意釋彼釋具云又如大雲覆隱虛空如是總緣一切法智覆隱如空廣大充徧惑智二障言覆隱者隔義斷義又於法身下攝論第三義從

此有下疏釋亦取無性意無性釋此云又如大雲澍清冷水充滿虛空如是總緣一切法智出無量殊勝功德充滿所依法身釋曰彼言雖多疏已收盡次四可知真諦三藏下六引真諦於中先言虛空喻三法身者譬如虛空空有三義一容受義譬如自性法身不礙生死二無邊義譬如顯了法身謂雖得顯了猶未究竟如空有清淨處有塵霧處如道內法身徧解惑中道也三清淨無塵霧義譬如聖果法身雲喻三道之智者卽智慧如大雲譬如如智有其三義一道前性得二道內修得三道

後至得文言徧者。性得如如智。徧如如理。滿者修得如如智。滿如如理。覆者至得如如理。境至相稱。雲卽是雨。雨有三義。一能除塵。謂道前自性智。清淨無染義。二能洗垢。道內滅除惡業。三能生萌芽。道後能生如如萌芽。又虛空如法身。雲如應身。此法喻下。二疏斷得失。先取後似非經意下。奪之。謂若如上釋道前應得法雲之名。名旣此立。故似非經意。而言似者。以約理可通。故謂道前雖有雲義。三義未足。不得此名。十地位滿。方得名耳。此則可通。故云似也。莊嚴論下。七引莊嚴。先引論。此從法

下疏釋。瑜伽下。九重引瑜伽。先舉論。後是則下疏釋。卽周易小畜卦語。易云。小畜。亨。密雲不雨。自我西郊。象曰。小畜。柔得位而上下應之。曰小畜。健而巽。剛中而志行。乃亨。密雲不雨。上往也。自我西郊。施未行也。釋曰。彼況文王當紂之時。身爲西伯。有君之德。猶如密雲。未有君位。德未施行。猶如不雨。今況十地。含佛之德。未等正覺。是故但云含德而已。

疏所覆。籠重。卽所離障。謂於諸法中。未得自在障。此障十地。大法智雲。及所含藏。所起事業。故斯卽

二愚障所起業。名大神通愚障。大智雲。卽悟入微細秘密愚。

疏斷此障故。便能證得業自在等所依真如。

疏謂神通作業。總持定門。皆自在故。便成受位等行。

疏具智波羅蜜。得化身三昧等果。卽是雲雨。究竟成佛法身。及所證如。皆亦所徧虛空。其旨一耳。

淨居天衆。那由他。聞此地中諸勝行。空中踊躍心歡喜。悉共虔誠供養佛。

不可思議菩薩衆。亦在空中大歡喜。俱然最上悅意。

香。普熏衆會。令清淨。

自在天王與天衆。無量億數。在虛空。普散天衣。供養佛。百千萬種。續紛下。

疏次正釋文。文中三分。先讚請中有十六偈。前三讚。後三偈請。前中亦二。前三偈但申供養。有三類可知。

天諸采女。無有量。靡不歡欣。供養佛。各奏種種妙樂音。悉以此言而讚歎。

疏後十偈。天女供讚於中亦二。初一總標供讚。

佛身安坐一國土。一切世界悉現身。身相端嚴無量。

億法界廣大悉充滿。

於一毛孔放光明。普滅世間煩惱闇。國土微塵可知數。此光明數不可測。

疏餘九正顯讚辭。於中亦二。前入讚佛德能。後一勸修利益。前中亦二。前五讚大用自在。後顯自在所由。前中亦二。前二用益普周。

或見如來具衆相。轉於無上正法輪。或見遊行諸佛刹。或見寂然安不動。

疏後三隨見不等。於中亦二。初一總明。

或見住於兜率宮。或現下生入母胎。或示住胎。或出

胎。悉令無量國中見。

或現出家修道。或現道場成正覺。或現說法。或涅槃。普使十方無不覩。

疏後二八相顯。

譬如幻師知幻術。在於大衆多所作。如來智慧亦復然。於世間中普現身。

佛任甚深眞法性。寂滅無相同虛空。而於第一實義中。示現種種所行事。

所作利益衆生事。皆依法性而得有。相與無相無差別。入於究竟皆無相。

疏所由中亦二初一智了世幻故。文有喻合。後二證窮性相故。於中半偈證體。半偈起用。半偈用不離體。半偈體用泯絕。

若有欲得如來智。應離一切妄分別。有無通達皆平等。疾作人天大導師。

無量無邊天女衆。種種言音稱讚已。身心寂靜共安樂。瞻仰如來默然住。

卽時菩薩解脫月。知諸衆會咸寂靜。向金剛藏而請言。大無畏者真佛子。

從第九地入十地。所有功德諸行相。及以神通變化

事。願聰慧者爲宣說。

疏後三請中。初一結默念請。後二上首言請。

爾時金剛藏菩薩摩訶薩。告解脫月菩薩言。佛子。菩薩摩訶薩從初地乃至第九地。以如是無量智慧觀察。覺了已善思惟修習。善滿足白法集。無邊助道法。增長大福德智慧。廣行大悲。知世界差別。入衆生界稠林。入如來所行處。隨順如來寂滅行。常觀察如來力無所畏。不共佛法。名爲得一切種。一切智智受職位。

疏第二正說論分八分。一方便作滿足地分。攝前

撰述  
華嚴疏鈔卷三十九  
九地所修。總爲方便滿此地故。二得三昧分。初住地。行行德無量。備舉受職之所依故。三得受位分。正在地行。依前定力攝佛智故。四大盡分。是地滿行。望前諸地行已窮盡。今復地滿盡之極故。五釋名分。此地學窮。辨德顯稱故。六神通力有上無上分。地滿足已。妙用自在。形前無上。形佛劣故。七地影像分。以喻顯法。如因影像知形質故。八地顯益分。彰說殊勝。勸修趣入故。鈔第二正說疏文有二。一依論總科。便以疏釋。

疏後之二分。通談十地。將前攝後。云此地有八。若

依前長科。後二分通。則此地分二。先明地行後彰位果。地行之中方有六分。如上所列。六中初一是入心。餘是任心。出心卽調柔果。已如前說。鈔二後之二分。下料揀。於中有三。初料揀論。次若依前下。以經對論。後六中下。對前三心。

疏今初分中二。先總明後善滿下別顯。今初無量智者。阿含廣故。觀察覺了者。證智深故。寶性論中地上菩薩起二修行。一約根本智。名如實修。卽此證智。二約後得智。名徧修行。卽此廣智。諸地具起上二種行。今於上二決擇思修。

疏別中十句攝爲七相。初三七八二處合故。七中一善修行故卽是同相。謂初三句明證助不住諸地同修故。初句證道無漏白法故。何以得證。由次句助道。何因成助。由後句不住道。增福德故。不住無爲。增智慧故。不住有爲。

疏後六別相。謂一廣行大悲。卽普徧隨順。自利利他相。此總前七地合爲一相。以七地差別之相。入地之初已辨。故此總舉。普徧釋廣。隨順釋行。大悲利他而成自業。故云自利。

疏三一句令佛土淨。卽入地相。下三相卽九地。以

親證此。故多舉之。

疏謂四一句教化衆生相。卽九地。自分行。入十一稠林故。鈔卽九地者。則顯後二相是勝進行。

疏五有二句善解相。謂解達真如。是佛所行處。故善順如來。能證寂滅行故。鈔真如是佛行處者。今此九地。入向十地。何名入如來所行。答十地同佛境相應故。

疏六無厭足相。常觀察力等。欲趣入故。上句解此句行。並九地勝進故。前地云晝夜專勤。更無餘念。唯入佛境界故。

撰述  
華嚴疏鈔卷三十一  
疏七地盡至入相謂十地證窮故。同前諸地結行入位。已屬第十。故云名爲得受職位。鈔七地盡者卽經名爲得下經文。十地學窮。名爲地盡。依行得證說爲至入。

佛子。菩薩摩訶薩以如是智慧入受職位已。

疏第二佛子菩薩摩訶薩以如是下。明三昧分於中二。初牒前起後。

卽得菩薩離垢三昧。入法界差別三昧。莊嚴道場三昧。一切種華光三昧。海巖三昧。海印三昧。虛空界廣大三昧。觀一切法自性三昧。知一切衆生心行三昧。

一切佛皆現前三昧。

疏後卽得下。正顯於中。四初舉十名。二如是等下。結所得數。三菩薩於此下。彰入滿足。四其最後下。顯最後名。今初十中初總餘別。總云離垢者。離煩惱垢故。是障盡地。偏受此名。別中九定。離八種垢。鈔第二三昧分。別中九定者。六七合故。然下疏一一結之。若從上料。入中前七自分。後一勝進前中前六自利。後一利他。前中前前五法身行。後一攝淨土行。前中有三。一解。二行。三成德。疏一入密無垢。謂解入事事法界深密之處。不與

華嚴疏鈔卷三十九 十一  
惑俱故。鈔不與惑俱者。釋無垢義。就總開別。皆帶無垢。無垢卽不與惑俱。故初句示其帶總。云不與惑俱。

疏二近無垢。萬行已圓。道場斯近。故如淨名說。上來初一解。次一行。下三成德。鈔下三成德者。卽身口意密也。

疏三放光無垢。謂光開心華。令其見實。亦能坐種種大寶蓮華。光無不照故。鈔初放光中。疏雙就身智二光。正意在身。

疏四陀羅尼無垢。如海包藏。

疏五起通無垢。則無心頓現。上五皆起法身之定也。

疏六有二定。清淨佛土無垢。上句無量。則盡法界之疆域。下句正觀。窮國土之體性。上六自利。鈔上句無量者。卽經虛空界廣大三昧。此同自受用利。下句窮國土之體性。卽法性土。此能窮究。

疏七化生無垢。上之二利。皆自分。行疏入正覺。無垢。謂勝進上覺。將成菩提時。一切諸佛。迭共現前。而證知故。如下受職處說。以本覺將現前故。

撰述  
華嚴疏鈔卷三十九  
如足等百萬阿僧祇三昧皆現在前。

疏二結數者亦是眷屬皆現前者久修成就不加功力自然現故。

菩薩於此一切三昧若入若起皆得善巧亦善了知一切三昧所作差別。

疏三彰入滿足中能入者通方便定體入起相卽隱顯無方故云善巧善了所作卽知業用。

其最後三昧名受一切智勝職位。

疏四彰最後名者將說受位分故一切智者佛無分別智也論經重言智者兼後得智二智平等名

### 受位也。

此三昧現在前時有大寶蓮華忽然出生其華廣大  
量等百萬三千大千世界以衆妙寶間錯莊嚴超過  
一切世間境界出世善根之所生起知諸法如幻性  
衆行所成恒放光明普照法界非諸天處之所能有  
毘琉璃摩尼寶爲莖栴檀王爲臺瑪瑙爲鬚闍浮檀  
金爲葉其華常有無量光明衆寶爲蔽寶網彌覆十  
三千大千世界微塵數蓮華以爲眷屬。

疏第三此三昧現在前下明受位分於中有四一  
法二喻三合四結鈔第三受位分自有十相者。

文中法喻合結。

疏今初有六。一座。二身。三眷屬。四相。五出處。六得位。六中前五自分德。脩後一上攝佛果。前中初二位體。次一位相。後一位用。前三卽依正眷屬。今初隨何等座。謂大寶華王座故。於中二先明主華。自有十相。一主相卽寶蓮華。鈔如世之花。上者爲王菩薩之花。大寶故上。

疏二其華下。量相。鈔二廣大爲量。

疏三以衆妙下。勝相具德故。鈔三事則衆寶間錯故。勝法則衆德爲嚴。亦如上說。有同時具足相。

應廣狹自在。一多相容等德故。

疏四超過下。地相生處故。鈔四法界智地爲生

處故。

疏五出世下。因相。鈔五因如種植。

疏六知諸下。成相。鈔六成如出水。

疏七恒放下。第一義相。正觀普照法界現事故。如世蓮華。開敷齒蕾。爲第一故。鈔七第一相。然花有三時之異。一花而未敷。二處中盛時。三彫而將落。今非初後。正處中盛時。正觀普照。等彼流光。法界現事。如開齒蕾。披敷見蓮。華實雙美。事理昭著。

權實開榮

疏入非諸天下功德相菩薩德招故。鈔入世之蓮華。人德感故。今此之花。出世德感。

疏九毘琉璃下體相。鈔九琉璃為淨梅檀為樂瑪瑙為我檀金為常四德為體。

疏十其花下莊嚴相。鈔十智光圓照如來戲教網遐張為莊嚴也。

疏二十三下明眷屬華。爾時菩薩坐此華座身相大小正相稱可。

疏第二爾時下隨何等身殊妙之身稱於座故。

無量菩薩以為眷屬各坐其餘蓮華之上周而圍繞一一各得百萬三昧。向大菩薩一心瞻仰。

疏第三無量下隨何眷屬

佛子此大菩薩并其眷屬坐華座時所有光明及以言音普皆充滿十方世界一切世界咸悉震動惡趣休息國土嚴淨同行菩薩靡不來集。人天音樂同時發聲。所有眾生意得安樂。以不思議供養之具供一切佛。諸佛眾會悉皆顯現。

疏第四佛子此大下隨何等相周徧作業為其相故。

撰述  
善嚴疏鈔卷三十九  
佛子。此菩薩坐彼大蓮華座時。於兩足下放百萬阿僧祇光明。普照十方諸大地獄。滅衆生苦。於兩膝輪放百萬阿僧祇光明。普照十方諸畜生趣。滅衆生苦。於齋輪中放百萬阿僧祇光明。普照十方閻羅王界。滅衆生苦。從左右脇放百萬阿僧祇光明。普照十方一切人趣。滅衆生苦。從兩手中放百萬阿僧祇光明。普照十方一切諸天及阿修羅所有宮殿。從兩肩上放百萬阿僧祇光明。普照十方一切聲聞。從其項背放百萬阿僧祇光明。普照十方辟支佛身。  
疏第五佛子。此菩薩坐彼下。隨何出處。十處出光。

令惡道出離菩薩增行故。文分爲四。一舒光作業。二衆聖咸知。三下類奔風。四同聲相應。今初十處放光。有三種業。一利益業。二發覺業。三攝伏業。今類例相從。且分爲四。一前之七光。但有益業。前五益凡。後二益小。

從其面門放百萬阿僧祇光明。普照十方初始發心。乃至九地諸菩薩身。

疏二第八一光有二業半。一者益九地。已還菩薩。故二者發覺。令知故。言一半者。但有攝義。攝彼令來故。

撰述  
華嚴疏鈔卷三十九  
從兩眉間放百萬阿僧祇光明。普照十方受職菩薩。令魔宮殿悉皆不現。

疏三第九一光亦二業半。一益等位菩薩故。下文彼光既令此益。此光必益於彼故。二發覺令知故。言一半者。魔宮不現。是伏業故。

從其頂上放百萬阿僧祇三千大千世界微塵數光明。普照十方一切世界諸佛如來道場衆會。

疏四第十頂光。但有發覺。文分爲三。一顯照分齊。

右繞十匝。住虛空中。成光明網。名熾然光明。發其種

種諸供養事。供養於佛。餘諸菩薩。從初發心。乃至九地。所有供養。而比於此。百分不及一。乃至筭數譬喻。所不能及。其光明網。普於十方。一如來衆會之前。雨衆妙香。華鬘衣服。幢幡寶蓋。諸摩尼等莊嚴之具。以爲供養。皆從出世善根所生。超過一切世間境界。若有衆生。見知此者。皆於阿耨多羅三藐三菩提。得不退轉。

疏二右繞下。正顯作業。謂與供成益。益言不退。菩提者。論有四義。一於登地證決定故。二入正定聚故。三定離放逸惡故。四定集善事故。

佛子。此大光明。作於如是供養事畢。復繞十方一切世界。一一諸佛道場衆會。經十市已。從諸如來足下而入。

疏三佛子下。事訖收光。言足下入者。若約教相。頂光入足。顯深敬故。若約證實。終極之智。從下趣入諸佛境故。故論釋後段云。平等攝故。顯證佛境。卽自證故。鈔若約教相者。顯有二意。前約教相。人之所賤。莫過於足。人之所貴。莫過於頂。頂光入足。故顯敬深。二若約證下。自有二意。文乃有三。一頂光入足。顯此菩薩入他佛境。二故論下引證。三顯

證佛境。卽自證故者。是第二意。入自佛境。因圓趣果。故論言平等攝者。此有二意。一。如來下攝。足收其光。菩薩上攝。光入佛境。云平等攝。二入他佛境。卽入自境。自他佛境。無二體故。云平等攝。是以處中。引論證上。證下第一平等。下疏自具。而約二光。以明相攝。謂菩薩光入足。佛光入頂。今但入足。已顯相攝。餘可知也。

爾時諸佛及諸菩薩。知某世界中某菩薩摩訶薩。能行如是廣大之行。到受職位。

疏第二爾時下。衆聖咸知。

撰述  
華嚴疏鈔卷三十九  
佛子。是時十方無量無邊乃至九地諸菩薩衆皆來圍繞。恭敬供養。一心觀察。正觀察時。其諸菩薩卽各獲得十千三昧。

疏第三佛子是時下。下位奔風。申敬獲益。文並可知。

當爾之時。十方所有受職菩薩。皆於金剛莊嚴臆德相中。出大光明。名能壞魔怨。百萬阿僧祇光明以爲眷屬。普照十方。現於無量神通變化。作是事已。而來入此菩薩摩訶薩金剛莊嚴臆德相中。其光入已。令此菩薩所有智慧勢力增長。過百千倍。

疏第四當爾之時下。同聲相應。以修平等因行。互相資故。表內吉祥深廣之德。嚴心已圓故。外於此相放光相益。又上此照彼。放眉間光。表中道已照。今彼照此。乃於智相者。表心契懸同。德圓魔盡。名壞魔冤。鈔第四當爾下。同聲相應。文中有四。一總顯相應之由。同聲相應者。卽周易乾卦文言之語。易云。同聲相應。同氣相求。水流濕。火就燥。雲從龍。風從虎。聖人作而萬物覩。本乎天者親其上。本乎地者親其下。則各從其類也。今取同位。故曰同聲。同謂何能有相益顯。如世朋友。互相成益故。二

表內下釋德相放光之由。二又上此下對前會釋  
下彼光照此此增智力。今此照彼益彼何疑四德  
圓下釋光明號

爾時十方一切諸佛從眉間出清淨光明名增益一  
切智神通無數光明以爲眷屬。普照十方一切世界  
右繞十匝。示現如來廣大自在。開悟無量百千億那  
由他諸菩薩衆。周徧震動一切佛刹。滅除一切諸惡  
道苦。隱蔽一切諸魔宮殿。示一切佛得菩提處。道場  
衆會莊嚴威德。如是普照盡虛空徧法界一切世界  
已。而來至此菩薩會上。周匝右繞。示現種種莊嚴之

事

疏第六爾時十方下。明隨所得位。於中二。一放光  
於中十業。初光名卽益業。益一切智令成佛故。二  
眷屬光是因業。三示佛是敬業。四開悟業。五震動  
業。六止惡業。七降魔業。八示現業。九卷舒業。十示  
現種種卽變化業。

現是事已。從大菩薩頂上而入。其眷屬光明亦各入  
彼諸菩薩頂。當爾之時。此菩薩得先所未得百萬三  
昧。名爲已得受職之位。入佛境界。具足十力。墮在佛  
數。

疏二現是事已下。入頂成益。入頂者。若約化相。上收於下也。若約實義。照極心源。名爲智頂。成果在已。是爲光入。鈔若約化相者。疏但有二。初身光入菩薩色身之頂。但爲化相。卽上收下。就實約義。中曲復有二。一約相顯實。卽諸佛智光。入菩薩心頂。二直就實論。自智已圓。當成之果。顯在心源。是故結云果成在已。

疏論云。諸如來光明。彼菩薩迭互智平等攝受。故謂菩薩頂光入佛足。則因上進於果也。佛光入菩薩頂。果收因也。亦因收果。入則無迹。因果雙亡。名

平等也。鈔論云下。引證謂菩薩下疏釋。言亦因收果者。上義佛果下收。今菩薩頂收。得佛光耳。上釋迭互攝受。入則下。釋平等攝受。

疏當爾之時下。得益名爲下。結位。入佛境者。所證同也。具十力者。行德同也。墮佛數者。如始出家。便墮僧數。

佛子。如轉輪聖王。所生太子。母是正后。身相具足。其轉輪王。令其太子坐白象寶妙金之座。張大網幔。建大幢幡。焚香散花。奏諸音樂。取四大海水。置金瓶內。王執此瓶。灌太子頂。是時卽各受王職位。墮在灌頂

釋迦

華嚴疏鈔卷三十九

七

技那

華嚴疏鈔卷三十九

七

一撰述  
華嚴疏鈔卷三十九  
三十一  
利利王數卽能具足行十善道亦得名爲轉輪聖王  
疏第二佛子如轉輪下喻。喻上六事。文少不次。初  
喻隨何身。鈔初喻隨何身者。卽經云如轉輪聖  
王所生太子。母是正后。身相具足是也。然論經云  
玉女寶所生。準智論玉女不生。乃是一說。準薩遮  
尼捷子經第三千子皆玉女生。彼名夫人寶。餘可  
知也。

疏二其轉輪下。喻隨何座。三張大下。喻隨何相。四  
取四大大。喻隨所得位。王喻真身。手喻應身。瓶喻  
白毫。水喻於光。應有第三隨何等眷屬。謂文武百  
僚以爲輔弼。五卽能下。明隨何等出處。鈔隨所  
得位者。然論釋云。此菩薩同得位時。名爲善住。遠  
公有二釋。一明同上王子得位時。二同佛得位時。  
菩薩受職亦復如是。諸佛智水灌其頂故。名爲受職。  
具足如來十種力故。墮在佛數。

疏第三菩薩受職下合。但合隨所得位。正意在此  
故。

佛子。是名菩薩受大智職。菩薩以此大智職故。能行  
無量百千萬億那由他難行之行。增長無量智慧功  
德。名爲安任法雲地。

疏第四佛子下。總結結斯一分。

○疏大文第四佛子菩薩任此法雲下。明入大盡分。於中有五種大。一。智大。二。解脫大。三。三昧大。四。陀羅尼大。五。神通大。此五依五種義。一。依正覺實智義。離智障故。二。依心自在義。離煩惱障故。三。依發心卽成就一切事義。意定力故。四。依一切世間隨利益衆生義。意能徧持。口能徧隨故。五。依堪能度衆生義。身及諸通廣能運故。前二自利。後二利他。鈔大文第四大盡分中。文前有四。一。依論科。二。此五下。論釋義。三。前二下。料揀。四。文中下。辨經。二。

中五義之內。義字向上。皆是論文。義字已下。卽是疏釋。然前二離惑智二障。成心慧。二解脫。後三利他卽是三業。一意。一口。雖云意持。正在口說。三卽身通。

佛子。菩薩摩訶薩。任此法雲地。如實知欲界集。色界集。無色界集。世界集。法界集。有爲界集。無爲界集。衆生界集。識界集。虛空界集。涅槃界集。此菩薩如實知諸見煩惱行集。知世界成壞集。知聲聞行集。辟支佛行集。菩薩行集。如來力無所畏色身法身集。一切種一切智智集。示得菩提轉法輪集。入一切法分別決。

定智集舉要言之。以一切智知一切集。

疏文中三前二別明。後三合例。今初智大分二。先別明。後總結。今初有七種智。一集智大。二應化智大。三加持智大。四入微細智大。五密處智大。六入劫智大。七入道智大。此七展轉相生。今初集智。依能斷疑力。了法緣集故。鈔今初集智下。疏文有四。一總彰大意。然論中文有三節。一總立七名。謂一集智大等。如向疏引。二總辯七智之所依起。畧顯其相。三總釋七智之相。今疏文中分為七段。一一智內皆有二重。如今集智云。今初集智。即第

一列名。二依能下。即論第二依起之一。三了法下。即第三段釋義下之六智。皆具此。三。然遠公釋緣集云。統唯一種。或分為二。一妄緣集。三界虛妄。唯一心作。如夢所見。唯是心解。二真緣集。一切諸法。皆真心起。如夢所見。皆報心作。或說為二。一真妄離合為三。離為前二。合為第三。第二約心識論。二一事緣集。從事識起一切法。二妄緣集。從其妄緣起一切法。三真緣集。真識體中。具過一切恒沙性德。互相集成。故言緣集。又從真識起一切法。故經說言若無藏識。七識不住。不得厭苦樂。求涅槃。由

如來藏故起諸法。三就有爲無爲說。三。一有爲緣集。二無爲緣集。三具二緣集。並如六地已說。

疏文中先別明。後舉要下總結。前中有二十集。皆明因緣集。然通真妄及與和合。故有三分。一染分。二淨分。三滅分。在文六重。鈔三攝以義類。卽前三中第一三也。在文雖六。不出前三。收攝已竟。釋義已周。

疏一唯染謂初四及衆生集。諸見煩惱集。鈔一唯染中已攝六集。

疏二唯淨。謂聲聞已下諸集。鈔二有七集。

疏三唯滅。謂虛空。鈔三唯一集。

疏四淨染合說。謂識及有爲世界成壞。鈔四有三集。

疏五淨滅合說。謂無爲及涅槃。擇滅無爲爲淨。非擇滅爲滅。性淨涅槃稱滅。餘二涅槃爲淨。鈔五

唯二集。無爲有二。虛空已別說竟。但二無爲。一淨二滅。涅槃有四。餘無餘及與無任。皆約修顯。故得稱淨。六唯一集。故有二十。

疏六通染淨滅。謂法界故。論云。隨所正不正。以法界通善不善及無爲故。而論諸句。皆有隨所言者。

隨何等差別。皆能知故。鈔六通染下有四。一標通三。二故論下引證。三以法界下疏釋。順上善法界爲淨。不善法界爲染。無爲法界爲滅。無爲與善爲正。不善不正。四而論下。會釋論文。然上以其三事開合。故爲六段。而文不次。又經與論經次亦小異。若依今文辨次第者。然望論經論經闕。一。無世界集。二。無最後入一切法分別決定智集。彼意謂世界卽世界成壞。將後入一切法集。屬於總結。故但十八并結十九。今謂世界是總。通佛衆生。如世界成就品。通有唯成。無有壞義。成壞之刹。唯屬

衆生。彼次與此亦有小異。以法界居虛空之後。衆生識界居爲無爲前。且依今經以辨次者。先明三。界。通於依正。總辯衆生所依。次云世界。通於染淨。次辨法界。向上爲上四所依。向下與爲無爲等而爲所依。法界是總。以性從緣。則有爲無爲。衆生是能迷之人。識界爲衆生之本。虛空是衆生等任處。涅槃是衆生所歸。煩惱是能迷之因。行兼於業。則顯前皆是果。故此句初有此菩薩言。由煩惱因。感界成壞。次三辯反源之人。如來下。四辯反源之果。結云一切者。非止二十故也。

撰述  
華嚴疏鈔卷三十九  
佛子。此菩薩摩訶薩。以如是上上覺慧。如實知衆生業化煩惱化。諸見化。世界化。法界化。聲聞化。辟支佛化。菩薩化。如來化。一切分別無分別化。如是等皆如實知。

疏第二佛子下。明應化智中三。初牒前起後。以依前緣集智身起化用故。故論云。依彼身起力。次如實下正顯。後如是下總結。中十句。初三衆生世間自在化。化起衆生善惡業。及利鈍使。今衆生見似真造作故。次一句器世間自在化。次五智正覺世間自在化。三乘正覺故。一法界化。爲三乘所說法。

行。餘四化爲三乘人及果。後一通三世間。有情有分別。器無分別。智正覺通上二也。鈔第二應化智亦具上三。謂一列名。二依起。三釋相。在文分二。先標名總科。卽將躡經前文釋論。第二牒所依起。其第三釋義。易解不舉。論云。是中應化智者。衆生應化等差別。遠公云。然化有三種。一據始起。有分別心。而作變化。二就息想論。物見我化。我實不化。三就真實說。緣起門中。皆是真實作用。法門之所示現。今依後義。是故依前緣集故而起化用。又如實知佛持。法持。僧持。業持。煩惱持。時持。願持。供

養持。行持。劫持。智持。如是等皆如實知。

疏第三又如實知佛持下。加持智論云。依如是如是轉行力。謂依彼應化。常化不絕。為加持行。其事非一。重言如是。鈔謂依彼下。三疏釋論。依起是第三段中釋義。常化不絕。為加持故。即以不絕是轉義。如轉法輪。

疏有十一句。初三不斷三寶。是境界持。餘八是行持。於中初二逆行。勝熱炙身。無厭行虐。婆須染欲。徧行處邪。皆其事也。後六順行。前四起因行時。謂起因之時。願等因體。後二得果在時。時謂長劫。智

卽果體。謂一切智智故。鈔不斷三寶者。不斷是

三寶中持義。謂佛種不斷。卽是佛持等。願等因體者。望上時持。故名因體。就體有二。願是起行方便之心。供養及行。卽依願正行。供養攝福。行攝智故。又如實知諸佛如來。入微細智。所謂修行微細智。命終微細智。受生微細智。出家微細智。現神通微細智。成正覺微細智。轉法輪微細智。住壽命微細智。般涅槃微細智。教法住微細智。如是等皆如實知。

疏第四又如實知諸佛下。微細智。謂知佛化用微細自在。故論云。依彼應化。加持善集。不二作故。謂

撰述  
華嚴疏鈔卷三十九  
謂依前應化等三智。合爲不二之智。作此微細化用。故隨一事卽具前三。非但八相。一具餘七。文並可知。鈔三智者。一應化。二加持。三善集。卽前緣集智。所以合者。集智是智。餘二多悲。悲智無礙。爲佛微細。非但八相者。但應化一智。卽能令一而具一切。今一一事皆具三智。故爲微細。以如來證此法門。故別有十事。多同八相。八相不具。

又入如來秘密處。所謂身秘密。語秘密。心秘密。時非時。思量秘密。授菩薩記秘密。攝衆生秘密。種種乘秘密。一切衆生根行差別秘密。業所作秘密。得菩提行秘密。如是等皆如實知。

疏第五又入下。密處智。依護根未熟衆生。不令驚怖。故現麤隱細而秘密俱成。初三卽總顯三密。次三別顯起化密。一意知化時。二口與其記。謂懈怠者。遲記怯退者。速記。或引實行聲聞。與應化者。記。又昔但記菩薩。則於聲聞記爲秘密。隨機隱顯。後攝衆生密。論經云。攝伏。謂攝受折伏。皆通身口。次一教密。約實則無三說。三卽爲密。但爲化菩薩。故約機非一說。一亦爲密。後三約所知明密。知根種種。知業萬差。知逆順行。皆得菩提。故爲密也。

鈔初三下釋文。文含多義。前諸疏文。已皆具矣。又知諸佛所有入劫智。所謂一切入阿僧祇劫。阿僧祇劫入一劫。有數劫入無數劫。無數劫入有數劫。一念入劫。劫入一念。劫入非劫。非劫入劫。有佛劫入無佛劫。無佛劫入有佛劫。過去未來劫入現在劫。現在劫入過去未來劫。過去劫入未來劫。未來劫入過去劫。長劫入短劫。短劫入長劫。如是等皆如實知。

疏第六又知下入劫智。依命行加持。捨自在意。謂劫時遷流。名爲命行。一攝一切。名曰加持。一入一切。名之爲捨。以廢已隨他故。劫隨心轉。名爲自在。

鈔謂劫下。三疏釋論。含於入劫之相。

疏亦十世隔法異成門也。以得不思議解脫。不見長短。一多大小。互相卽入等。並如發心品。

又知如來諸所入智。所謂入毛道智。入微塵智。入國土身正覺智。入衆生身正覺智。入衆生心正覺智。入衆生行正覺智。入隨順一切處正覺智。入示現徧行智。入示現順行智。入示現逆行智。入示現思議不思議世間了知不了知行智。入示現聲聞智。辟支佛智。菩薩行。如來行智。

疏第七又知如來下入道智。論云。依對治意說。謂

徧入諸道。若逆若順。皆爲對治。無非入道。此約知凡夫道。若約知化凡夫道。卽此逆順等便是佛道。鈔謂徧入下。三疏釋依起顯前標名。具於三義。一明知凡夫道。道謂業惑。以逆順等皆所知故。二若約下。知化凡夫道。謂一切善法。下論名對治。卽順字攝之。及第三知化凡夫。卽是佛道。文正出此。疏別中有十四句。初句總入所化。謂毛道。凡夫隨風不定。故論經云。入凡夫道。論云。依凡夫地。鈔初句爲總者。義通三義。

疏餘句別顯所化。畧有三種。一依我慢行者。令人淨國土。過於所信故。餘皆依覺觀者。於中初句起覺觀身。次二句正顯覺觀心行差別。次句明所覺境。上四卽所化之覺觀。次四句能化之行。初句總顯徧行故。次二隨宜。若逆若順。後句若深若淺。後四句化令人三乘果。鈔別顯三種中。前二皆第一知凡夫道。其中觀破搏聚者。四十八經當具解釋。次四句者。卽化凡夫道。亦兼第三知凡夫道。卽是佛道。後四化果。其中思議等。並如九地。佛子。一切諸佛所有智慧。廣大無量。此地菩薩皆能

得入。

疏第二佛子一切下。總結前七皆佛之智。菩薩能入。故名智大。

佛子。菩薩摩訶薩住此地。

疏第二佛子至住此地下。明解脫大中三。初標得位。

卽得菩薩不思議解脫。無障礙解脫。淨觀察解脫。普照明解脫。如來藏解脫。隨順無礙輪解脫。通達三世解脫。法界藏解脫。解脫光明輪解脫。無餘境界解脫。疏次卽得下。畧顯有十。初依神通境界轉變自在。

言念不及故。如淨名所得。二能至無量世界。以願智力無拘礙故。三明離障解脫。故云淨觀。離障有二。並皆知之。一約位。則世出世間所離不同。二就出世中學無學別。此學無學並通。三乘上三中前二約通。此一約智。共爲一對。總相以明。約身明通。就人顯智。次三一對。一通二智。四約心明通。普照物機。隨意轉變。一時普應。如觀音普門示現故。次二約法明智。謂五卽法陀羅尼。顯如來藏中蘊恒沙德故。六卽能破他言。隨彼言破。無礙圓滿故。次二一對。相入通智。約時明通。由達三世劫。任意在

撰述

華嚴疏鈔卷三十九

疏

九

支那

華嚴疏鈔卷三十九

疏

九

持相入故約因緣集顯智一切種皆包藏法界之中故後二一對約相卽明通智約身明通不離一身光明輪而普照故是解脫光輪約時明智卽一而能知多故鈔第二解脫下總有四對疏中已配。

此十爲首有無量百千阿僧祇解脫門皆於此第十地中得。

疏後此十下結廣。

如是乃至無量百千阿僧祇三昧門無量百千阿僧祇陀羅尼門無量百千阿僧神通門皆悉成就。

疏第三如是乃至下總例餘三大盡分竟

佛子此菩薩摩訶薩通達如是智慧隨順無量菩提成就善巧念力。

疏大文第五佛子菩薩摩訶薩通達如是下釋名分中三一能受如來大法雲雨故名法雲一佛子此地菩薩以自願下明能注雨滅惑故名法雲二佛子此地菩薩於一念下明注雨生善故名法雲然後之二段從自受名今此一段從所受立名論云雲法相似以徧覆故此地中間法相似猶如虛空身徧覆故謂佛身雲徧覆法界法雨亦多唯此

能受故名法雲。鈔今此一段下此文有三。初此  
上棟別。二引論釋。三謂佛身下。疏釋論。然此一段  
若從所受應名法雨地。若從能受。應名法海地。今  
從受處名爲法雲。雲當佛身。而論意又以聞法相  
似。猶如虛空。則以虛空爲能受。菩薩身徧覆故。雲  
爲所受之法。以雲義多合。故影出之。

疏文中。二。先總明能受之德。由前七智成就念力。  
能受多法。此智實成多德。故云無量菩提。近說受  
持之義耳。鈔由前七智者。七智正是此地別行。  
所以舉之。成就念力。偏語受法之德。此智實成下。

釋經隨順無量菩提之言。由因成果就。故云隨順  
無量菩提。無量之德。皆隨順也。

十方無量諸佛。所有無量大法。明大法照。大法雨。於  
一念頃。皆能安能受。能攝能持。譬如娑伽羅龍王。所  
霍大雨。唯除大海。餘一切處。皆不能安。不能受。不能  
攝。不能持。如來秘密藏。大法明。大法照。大法雨。亦復  
如是。唯除第十地菩薩。餘一切衆生。聲聞獨覺。乃至  
第九地菩薩。皆不能安。不能受。不能攝。不能持。

疏二十方下。別顯受法之相。於中。二。初總顯受多。  
二。歷數顯多。三。問答顯多。今初有法喻合。法中

三一明所受法多。二大明下所受法妙。故下合云秘密藏也。文有三句。上一二句性故。謂三慧所知名法自性。大明是聞思智攝受故。照是修慧所攝受故。下句作故。謂說授衆生。如雲與他雨法雨故。三於一念下。顯能受德。一念者速故。既多妙又速。展轉顯勝。能安者。堪能安受文故。受者信受故。上二受文。攝者思惟攝取義故。持者攝受彼文義。成二持故。此但順說下。喻合兼反顯。不能文並易了。鈔上一二句者。論一時具云。聞法者性故作故。二事示現。疏離破之。謂三慧下疏釋論。大明下。

牒論釋經。然今經云。安受攝持。論經云。受堪思持。思卽是攝。堪卽是安。受堪雖倒。俱是聞慧。疏取義順經。不違論釋。

佛子。譬如大海。能安能受。能攝能持。一大龍王所震。大雨。若二。若三。乃至無量。諸龍王雨。於一念間。一時震下。皆能安能受。能攝能持。何以故。以是無量廣大器故。任法雲地。菩薩亦復如是。能安能受。能攝能持。一佛法明。法照。法雨。若二。若三。乃至無量。於一念頃。一時演說。悉亦如是。是故此地名爲法雲。

疏第二佛子。譬如大海下。歷數顯多中。先喻後合。

海能安者。受一切水故。受者不濁。故濁如不信。攝者餘水數入。失本名故。持者用不可盡故。解脫月菩薩言。佛子。此地菩薩於一念間能於幾如來所安受。攝持大法。明大法。照大法。雨。

疏第三解脫月下。問答顯多中。先問後答。

金剛藏菩薩言。佛子。不可以算數能知。我當爲汝說其譬喻。佛子。譬如十方各有十不可說百千億那由他佛刹微塵數世界。其世界中一一衆生皆得聞持陀羅尼。爲佛侍者。聲聞衆中多聞第一。如金剛蓮華上佛所大勝比丘。然一衆生所受之法。餘不重受。佛

子。於汝意云何。此諸衆生所受之法。爲有量耶。爲無量耶。解脫月菩薩言。其數甚多。無量無邊。金剛藏菩薩言。佛子。我爲汝說。令汝得解。佛子。此法雲地菩薩於一佛所。一念之頃。所安所受。所攝所持。大法。明大法。照大法。雨。三世法藏。前爾所世界一切衆生所聞持法。於此百分不及一。乃至譬喻亦不能及。

疏答中二。先校量顯示一佛之所受法廣多。

如一佛所。如是十方。如前所說。爾所世界微塵數佛。復過此數無量無邊。於彼一一諸如來所。所有法。明法。照法。雨。三世法藏。皆能安受。能攝。能持。是故此

撰述  
華嚴疏鈔卷二十九  
地名爲法雲。

疏後如一佛下類顯多佛。言三世法藏者。三世佛法之藏也。而論云於法界中二種事藏者。意取法明照雨蘊在法界故。以彼經云。法界藏故。故爲此釋。

佛子。此地菩薩以自願力起大悲雲。震大法雷。通明無畏以爲電光。福德智慧而爲密雲。現種種身。周旋往返。於一念頃。普徧十方百千億那由他世界微塵數國土。演說大法。摧伏魔怨。復過此數。於無量百千億那由他世界微塵數國土。隨諸衆生心之所樂。壹

甘露雨。滅除一切衆惑塵。是故此地名爲法雲。

疏第二注雨滅惑釋名中。此中雲等。如出現品廣明悲雲普覆故。法雷驚蟄故。通明無畏照機速疾。令見道故。以福智因成種種身。如雲形顯多故。法雨正能破四魔故。

佛子。此地菩薩於一世界從兜率天下。乃至涅槃。隨所應度衆生心。而現佛事。若二若三。乃至如上微塵數國土。復過於此。乃至無量百千億那由他世界微塵數國土。皆亦如是。是故此地名爲法雲。

疏第三注雨生善釋名入相漸益故。可知。

佛子此地菩薩智慧明達神通自在。

疏大文第六神通方有上無上分中有六種相。一依內。二依外。三自相。四作住持相。五令歡喜相。六者大勝。若就經文分二。前四合爲一段。正顯神通。後二爲一。斷疑顯勝。今初分二。先別明。後總結。別中三。初明依內智慧明達者。卽起通之智。亦陀羅尼。二神通者是通體。三自在卽通德。亦攝不思議解脫。及與三昧。其此三事。卽通無上。鈔智慧明達者。經但兩句。論經亦但云。住此地於智慧得上自在力。善擇大智神通隨心所念。而論云是中

依內者有其四種。一不思議解脫。二三昧。三起智陀羅尼。四神通。如前所說。釋曰。今疏取意各別。配經亦具此四。論言如前所說者。卽大盡分中五種大。但合智及陀羅尼耳。以陀羅尼智爲體故。

隨其心念能以狹世界作廣世界。廣世界作狹世界。疏第二隨其下依外。謂業用依外境而起故。亦是第三依自相。謂轉變作用是神通相故。鈔此之二段者。卽以轉變外事爲神通自相故。

疏此二經文是一。義分爲二。今依自相釋文。自有二種。一轉變外事。於中三。一。同類畧廣轉。

垢世界作淨世界。淨世界作垢世界。亂在次在。倒在正住。如是無量一切世界皆能互作。

疏二垢世界下。垢淨異事轉。

或隨心念。於一塵中置一世界。須彌盧等一切山川。塵相如故。世界不減。或復於一微塵之中置二置三。乃至不可說世界。須彌盧等一切山川。而彼微塵體相如本。於中世界悉得明現。或隨心念。於一世界中示現二世界莊嚴。乃至不可說世界莊嚴。或於一世界莊嚴中示現二世界。乃至不可說世界。或隨心念。以不可說世界中衆生置一世界。或隨心念。以一世界中衆生置不可說世界。而於衆生無所燒害。

疏三或隨心下。塵容世界等。是自在轉。

或隨心念。於一毛孔。示現一切佛境界莊嚴之事。

疏二或隨心念於一毛下。應化自身。可知。

或隨心念。於一念中。示現不可說世界微塵數身。一身示現。如是微塵數手。一手各執恒河沙數。奉奩香篋鬘蓋幢幡。周徧十方。供養於佛。一身復示現爾許微塵數頭。一一頭復現爾許微塵數舌。於一念中。周徧十方。歎佛功德。或隨心念。於一念間。普徧十方。示成正覺。乃至涅槃。及以國土莊嚴之事。或現

撰述  
善廣阿金卷二十九  
其身普徧三世。而於身中有無量諸佛及佛國土莊嚴之事。世界成壞。靡不皆現。或於自身一毛孔中。出一切風。而於衆生無所惱害。或隨心念。以無邊世界爲一大海。此海水中。現大蓮華。光明嚴好。徧覆無量無邊世界。於中示現大菩提樹莊嚴之事。乃至示成一切種智。或於其身現十方世界。一切光明摩尼寶珠。日月星宿雲電等光。靡不皆現。或以口嗑氣。能動十方無量世界。而不令衆生有驚怖想。或現十方風災火災。及以水災。或隨衆生心之所樂。示現色身莊嚴具足。或於自身示現佛身。或於佛身而現自身。或於佛身現已國土。或於已國土而現佛身。

疏第三或隨心念於一念中示現不可說下。作住持相。謂常用不絕故。

佛子。此法雲地菩薩。能現如是及餘無量百千億那由他自在神力。

爾時會中諸菩薩。及天龍夜叉乾闥婆阿修羅護世四王。釋提桓因。梵天淨居摩醯首羅諸天子等。咸作是念。若菩薩神通智力。能如是者。佛復云何。

疏第一二爾時下。斷疑顯勝中二。先斷疑。後顯勝。今初卽論生喜。由疑除故。於中二。先示自神通力斷

疑。一說法斷疑。今初有二問答。初一問答顯神力。無上令衆歡喜。後一問答顯神力有上令衆歡喜。前中先問後答。問中先大衆生疑。舉佛疑菩薩。如上的事。佛可得爾。菩薩豈然。

爾時解脫月菩薩知諸衆會心之所念。白金剛藏菩薩言。佛子。今此大衆聞其菩薩神通智力。墮在疑網。善哉仁者。爲斷彼疑。當少示現菩薩神力莊嚴之事。疏後上首爲請。

時金剛藏菩薩卽入一切佛國土體性三昧。

疏答中。一入定現通。二問答決擇。今初卽事爲

驗故於中三。一法王入定。國土體性無所不融。故能一身包含無外。鈔國土體性者。此金剛藏正用前作住持相中。故其身中示有無量國土莊嚴之事。及於自身示現佛身。

入此三昧時。諸菩薩及一切大衆。皆自見身在金剛藏菩薩身內。於中悉見三千大千世界所有種種莊嚴之事。經於億劫。說不能盡。又於其中見菩提樹。其身周圍十萬二千大千世界。高百萬二千大千世界。枝葉所蔭亦復如是。稱樹形量。有師子座。座上有佛。號一切智通王。一切大衆悉見其佛坐菩提樹下。師

子座上種種諸相以爲莊嚴假使億劫說不能盡。  
疏二入此下。衆觀希奇。表通自在。故佛號通王。

金剛藏菩薩示現如是大神力已。還令衆會各在本處。時諸大衆得未曾有。生奇特相。默然而住。向金剛藏。一心瞻仰。

疏三金剛下。攝用增敬。

爾時解脫月菩薩白金剛藏菩薩言。佛子。今此三昧甚爲希有。有大勢力。其名何等。金剛藏言。此三昧名一切佛國土體性。

疏第二爾時解脫月下。問答決擇中二。初問名

字

又問此三昧境界云何。答言。佛子。若菩薩修此三昧。隨心所念。能於身中現恒河沙世界微塵數佛刹。復過此數無量無邊。

疏二又問下。業用分齊

佛子。菩薩住法雲地。得如是等無量百千諸大三昧。故此菩薩身。身業不可測知。語。語業。意。意業。神通自在。觀察三世三昧境界。智慧境界。遊戲一切諸解脫門。變化所作。神力所作。光明所作。畧說乃至舉足下足。如是一切諸有所作。乃至法王子住善慧地。菩薩

皆不能知。

疏三佛子菩薩任下。類顯廣多。於中二。初但結多定。已顯業用難思。

佛子。此法雲地菩薩所有境界。畧說如是。若廣說者。假使無量百千阿僧祇劫亦不能盡。

疏後佛子此法雲下。結畧顯廣。則餘德無盡。此中亦即大盡中事。鈔此中等者。前文標中已有五大。今復結之。故云亦是。謂初總標三業。即神通自在。餘具五大。一觀察。二世即第一智大。二三昧境界。即第三三昧大。三智境界。即四陀羅尼大。四遊

戲。下即第二解脫大。五變化。下即第五神通大。

解脫月菩薩言。佛子。若菩薩神通境界如是。佛神通力其復云何。

疏第二解脫月下。顯有上中。謂劣於佛故。先問後答。問中即舉菩薩疑佛。謂菩薩既實得爾。則佛應不勝。若言勝者。其相云何。故問辭則同。疑意懸隔。

鈔問中等者。謂信菩薩神通。謂佛應不勝。前舉佛疑菩薩。則爲佛得亦疑菩薩不得。故問同意別。金剛藏言。佛子。譬如有人於四天下取一塊土。而作是言。爲無邊世界大地土多。爲此土多。我觀汝問亦

復如是如來智慧無邊無等云何而與菩薩比量。

疏答中三一總訶問非顯佛德無量。

復次佛子如四天下取少許土餘者無量此法雲地神通智慧於無量劫但說少分況如來地。

疏二復次下舉所未說顯佛德無量謂向所說乃是十地德之少分如四天下之少土全將菩薩之德以比如來狀如四天下土以比無邊大地況將已說之少分以比如來則如一塊以比無邊大地佛證極故。

佛子我今爲汝引事爲證令汝得知如來境界佛子。

假使十方一一方各有無邊世界微塵數諸佛國土一一國土得如是地菩薩充滿如甘蔗竹葦稻麻粟林彼諸菩薩於百千億那由他劫修菩薩行所生智慧比一如來智慧境界百分不及一乃至優波尼沙陀分亦不能及。

疏三佛子我今下引事類顯佛德無量。

佛子此菩薩任如是智慧不異如來身語意業不捨菩薩諸三昧力於無數劫承事供養一切諸佛一一劫中以一切種供養之具而爲供養一切諸佛神力所加智慧光明轉更增勝於法界中所有問難善爲

撰述  
菩薩藏經卷三十九  
解釋百千億劫無能屈者。佛子。譬如金師。以上妙真金作嚴身具。大摩尼寶鈿廁其間。自在天王身自服戴。其餘天人莊嚴之具所不能及。此地菩薩亦復如是。始從初地乃至九地。一切菩薩所有智行皆不能及。

此地菩薩智慧光明。能令衆生乃至入於一切智智。餘智光明無能如是。佛子。譬如摩醯首羅天王。光明能令衆生身心清涼。一切光明所不能及。此地菩薩智慧光明亦復如是。能令衆生皆得清涼。乃至住於一切智智。一切聲聞辟支佛乃至第九地菩薩智慧

光明悉不能及。

疏第二佛子菩薩住如是智慧下。說法斷疑者。謂此地菩薩智慧能令衆生入一切智。復顯上說其德不虛。故疑除生喜。然此文當出地心。比前諸地卽調柔果。而論復將入前分中。欲顯義門多勢。終似惑人。若準上例上來地行竟。此下第二明其位果於中亦有二果。今初調柔果中五。一調柔行。二此地菩薩智慧下。教智淨。三佛子此菩薩已能安住下。勝過自在。四此菩薩十波羅蜜下。別地行。相。五佛子是名下總結地名。五中。前二合爲說法

令喜可知。

佛子。此菩薩摩訶薩已能安住。如是智慧。諸佛世尊復更爲說。三世智。法界差別智。徧一切世界智。照一切世界智。慈念一切衆生智。舉要言之。乃至爲說。得一切智智。

疏後二及餘二果。俱名大勝。顯義多合。故論連前勢。爲果已定。更不重言。就大勝中。初三明神通勝。二攝報中得十不可說等名。等數勝。此二種事。勝一切地。故名大勝。徧舉此二者。以是神通有上無上。門中明故。就前三中。先明勝過自在。於中二。

初牒前。次諸佛下別顯。後舉要下總結。別中五句爲三。初句卽能斷疑行。謂令通達三世之中。所有道義故。二一句速疾神通行。聞說如來秘密法界故。三餘二句等作助行。謂以平等三道助通化益故。於中初句作淨佛國土平等化。卽是助道。次句作法明平等化。謂教智化。後句作正覺平等化。謂慈念令得證知故。故論經云。令一切衆生得證法故。

此菩薩十波羅蜜中。智波羅蜜最爲增上。餘波羅蜜非不修行。

佛子。是名畧說菩薩摩訶薩第十法雲地。若廣說者。假使無量阿僧祇劫亦不能盡。

佛子。菩薩住此地。多作摩醯首羅天王。於法自在。能授衆生聲聞獨覺一切菩薩波羅蜜行。於法界中。所有問難無能屈者。布施愛語利行同事。如是一切諸所作業。皆不離念佛。乃至不離念具足一切種一切智智。復作是念。我當於一切衆生爲首。爲勝。乃至爲一切智智依止者。若勤加精進。於一念頃。得十不可說百千億那由他佛刹微塵數三昧。乃至示現爾所微塵數菩薩以爲眷屬。

若以菩薩殊勝願力自在示現。過於此數。所謂若修行若莊嚴。若信解。若所作。若身。若語。若光明。若諸根。若神變。若音聲。若行處。乃至百千億那由他劫不能數知。

疏餘別地結名及筭數等。並可知。

○疏大文第八。佛子。此菩薩摩訶薩十地行相下。地影像分於中四喻。謂池山海珠。喻四功德。前二是阿含德。後二證德。鈔前二下。以二德收之。然遠公前三皆阿含。今以海喻十德互徧。故喻證德。此二教證亦可隔句相對。池望於海。是修成相對。地

中真僞合修爲教。如池喻起修之行。海喻捨妄契  
真實德。互徧猶如義大。第二山喻。第四珠喻。卽約  
詮就實相對寄言顯十。如彼十山爲教智真體無  
二如珠。更含餘義畧示其一。

疏前中池喻修行功德。卽諸地中起修之行。鈔  
前中池喻下。第三依論列釋。標功德名。皆是論文。  
餘皆疏釋。然下論隨文釋中。亦自解釋。釋第一云  
依本願修。

疏二山喻上勝功德。卽依修成德。德位高出故。  
鈔釋第二山德云。依一切智增上行十地故。

疏三海喻難度能度。大果功德。卽修所成德。能至  
大果故。謂大海難度。十德皆徧。故名能度。大海難  
成。由攬十德。能成智海。故云大果。此釋法喻兼含  
矣。鈔釋第三海喻云。因果相順故。今十德徧海。  
卽因順於果。海攬十德。卽果順於因。

疏四珠喻轉盡堅固功德。謂從初地轉至法雲障  
盡證堅故。鈔釋第四珠喻云。過十寶性。卽障盡  
證堅。

疏又十地有三。一是修地。因前果後。故初二喻顯  
之。二是成地。隨分修成。卽是佛智。故珠喻顯之。三

撰述  
華嚴疏鈔卷三十九  
是法地就佛智法開之爲十。故海喻顯之。以後一融前二無有障礙。鈔又十地有三者。第二修顯分別以修成法。三而收四喻。前二是修故亦即是教次。一是成亦順於證。三是法地順佛果海。故以海喻融前二也。前二卽是修成。合池山珠之三喻也。

疏又此四喻皆喻十地。與彼佛智非一非異。無差別之差別。而旨趣各殊。初一喻始異。終同。次山喻能所依別。所依之地則一。能依之山不同。此則無差之差。上二喻有能所依。下二喻直喻地智。不立

能所。三海喻全一佛智之體。而十德不同。德非別物。又互相徧。不同於山。斯乃無差別之差別。差別卽無差。四珠喻唯是一珠。前後之異。唯一智體。前後增明。喻雖無差別。不礙差別。鈔初一下二別顯池。非是海。故云始異。入海卽池之水。故云終同。同異先後卽始差別。終無差也。二山喻一佛智地。出十地山。故云無差之差。上二下結。前生後。三海則因果交徹。四珠雖一證智。不礙分十。

疏又初喻前後體別。前非是後。而後包前。次喻前前非後。後後非前。前而同一體。海喻前後雖

珠而前後相徧珠喻前後一體而前前非後後後必具前前鈔又初一喻下第二約前後論非一異則十地相望以爲前後

疏初一卽是圓家漸次喻圓中漸珠喻卽是漸圓海喻卽圓圓也四喻圓融鈔初卽是下第三結歸圓融此言自天台生而小不同彼處漸圓是漸教家圓今一圓教行布之極耳圓亦與彼不同乃是初後圓融名圓圓非是圓教圓滿名圓圓也是知上取相顯前二喻教後二喻證理實四喻一一之中皆有教證如珠喻中珠體卽證洽穿等教也

初四河是教入海爲證故約非一皆是教道約非異義皆是證道又非一非異二義不同卽是教道互融爲證勿滯語言

疏上來所解在論雖無理必應爾若得斯旨不疑十地差別等相鈔上來所解下第四結示本意言上來所解者唯除四喻喻四功德餘皆疏意故云在論雖無

佛子此菩薩摩訶薩十地行相次第現前則能趣入一切智智

疏今初修行德中有法喻合法中始從歡喜終至

法雲名次第行相次第既具則入智海。鈔今初文下。二正釋文。然論但云是中修行功德者。依本願力修行。以四攝法作利益行。自善增長。及得菩提。自利益行。應知次論牒經帖義。文意可知。譬如阿耨達池。出四大河。其河流注。徧閻浮提。既無盡竭。復更增長。乃至入海。令其充滿。

疏譬中四大河者。面各出一。故具如十定品。而言大者。阿含婆沙云。出二十河。以四河去。池四十里。各分爲四。并本四爲二十。今就本河所以言大。下云增長攝餘十六。而勝鬘云。八者。以東面五河人皆具見。餘三大河。名聲普聞。十二小河。不聞不見。故但言八。

佛子。菩薩亦爾。從菩提心。流出善根。大願之水。以四攝法。充滿衆生。無有窮盡。復更增長。乃至入於一切智海。令其充滿。

疏合中。菩提心合池。流出善根等。合四河。依菩提心修四攝行。自善增長。故準十定四河。今文合具。一願智河。卽大願之水。二波羅蜜河。三三昧河。卽今善根。四大悲河。卽以四攝法。充滿衆生。故言無有窮盡等者。合上無盡竭。大願等皆無盡也。

佛子菩薩十地。因佛智故而有差別。

疏第二山喻上勝功德中有四。初總舉於法。次如因下總顯於喻。三佛子如雪山下法喻對顯。四佛子此十寶下總結法喻。今初言因佛智者。爲修平等佛智而起諸行。修既未窳。故隨十地之行各一增上。斯乃爲修無差而成於差。以本統末。非全隔越。

如因大地有十山王。何等爲十。所謂雪山王。香山王。鞞陀梨山王。神仙山王。由乾陀山王。馬耳山王。尼民陀羅山王。斫羯羅山王。計都末底山王。須彌盧山王。

疏第二總顯於喻。喻意可知。鞞陀梨者。此云種種。持由乾陀。此云雙持。廻文卽云持雙也。尼民陀羅。此云持邊所迦羅。此曰輪圍。計都末底。此云幢慧。

鈔第二總以喻顯。然此十山與俱舍論多同小異。彼偈云。蘇迷盧處中。次喻健達羅。伊沙陀羅山。揭地落迦山。蘇達梨舍那。頰濕縛羯拏。毘那怛迦山。尼民達羅山。於大洲等外。有鐵輪圍山。前七金所成。蘇迷盧四寶。釋於梵名。如昇須彌山頂品。然須彌處中。次七金繞輪圍第九。今有十山爲次。又別爲順十地所出異故。一雪二香。俱舍九中所無。

釋迦  
三摩鉢底  
梨亦云跋羅。下偈復云毘陀。則正當  
第二伊沙陀羅。此云持軸。與種種持義亦大同。四  
神仙應是第五蘇達梨舍那。此云善見。以仙居故。  
五由乾陀羅。卽第二持雙六馬耳。全同第六頰濕  
躡羯拏。七尼民陀羅。全同第八。彼却無翻。但約其  
形名爲魚嘴。八斫羯羅。同彼第九。九計都未底。義  
同揭地。落迦。彼亦無翻。但說其相。故論經名衆相  
山。十蘇迷盧。全同第一。旣加香雪。應除象鼻。三藏  
楚夏旣各不同。言辭輕重難爲尅定。

佛子。如雪山王。一切藥草咸在其中。取不可盡。菩薩  
所任歡喜地。亦復如是。一切世間經書技藝。文頌呪  
術。咸在其中。說不可盡。佛子。如香山王。一切諸香咸  
集其中。取不可盡。菩薩所任離垢地。亦復如是。一切  
菩薩戒行威儀。咸在其中。說不可盡。佛子。如鞞陀梨  
山王。純寶所成。一切衆寶咸在其中。取不可盡。菩薩  
所任發光地。亦復如是。一切世間禪定神通解脫。三  
昧。三摩鉢底。咸在其中。說不可盡。佛子。如神仙山王。  
純寶所成。五通神仙咸任其中。無有窮盡。菩薩所任  
酸慧地。亦復如是。一切道中殊勝智慧咸在其中。說  
不可盡。佛子。如由乾陀羅山王。純寶所成。夜叉大神

撰述  
華嚴經疏卷三十九  
咸任其中。無有窮盡。菩薩所任難勝地。亦復如是。一切自在。如意神通。咸在其中。說不可盡。佛子。如馬耳山王。純寶所成。一切諸果。咸在其中。取不可盡。菩薩所任現前地。亦復如是。入緣起理。聲聞果證。咸在其中。說不可盡。如尼民陀羅山王。純寶所成。大力龍神。咸任其中。無有窮盡。菩薩所任遠行地。亦復如是。方便智慧。獨覺果證。咸在其中。說不可盡。如所羯羅山王。純寶所成。諸自在衆。咸在其中。無有窮盡。菩薩所任不動地。亦復如是。一切菩薩。自在行。差別世界。咸在其中。說不可盡。如計都山王。純寶所成。大威德阿

修羅王。咸任其中。無有窮盡。菩薩所任善慧地。亦復如是。一切世間生滅智行。咸在其中。說不可盡。如彌盧山王。純寶所成。大威德諸天。咸任其中。無有窮盡。菩薩所任法雲地。亦復如是。如來力無畏不共法。一切佛事。咸在其中。問答宣說。不可窮盡。

疏第二法喻對顯中。語其山體。前一土山。餘八是寶故論云。是中純淨諸寶山。喻八種地。三地世間云。何言淨。論云。厭地善清淨故。謂能修善。厭伏煩惱。亦得爲淨。喻以寶山。若語山中所有。卽明各有增上義也。初地聖智法樂。二地戒香。三地禪等。可

撰述  
貴如寶。四地出世如仙。五地善巧自在如夜叉。六地以五地修四諦因相同聲聞未能出彼。六地超彼。成果無盡。七方便善巧如彼龍神。超前緣起之因。名緣覺果。八地無功用心自在。故此自在。在衆卽是密迹諸神。九地善巧攝生。大力相故。十地佛德如天。已淳淨故。鈔修羅總有五種任處。一在地。上。二最居下。最居下者在於海底。卽毘摩質多羅阿修羅王。其力最大。統領無量修羅眷屬。次上。二萬一千由旬。有阿修羅王。名曰勇健。威勢次劣。亦統無量修羅眷屬。次上。二萬一千由旬。有修羅王。

名曰花鬘。威勢轉弱。亦統無量修羅眷屬。次上。二萬一千由旬。有修羅王。名曰羅睺。勢力最劣。亦統無量修羅眷屬。今此所說。應是彼王最居上者。疏論云。前三及六。非衆生數。餘皆衆生數。就非衆生數中。有二種事。一初二及第六。是受用事。資內報故。第三寶是守護積聚事。受用中有二。一藥。是四大增損對治。二香及果。卽長養衆生。以健闍婆常食香氣故。衆生數中。復有六種難對治。一五通。福田治貧窮難。以供彼仙能生福故。二夜叉治死難。威制眷屬。不令害人故。三龍治儉難。降時雨故。

撰述  
華嚴疏鈔卷三十九  
四諸自在衆治不調伏難。調難調故。五修羅治惡業難。以呪術力制諸眷屬。不造諸惡故。六大威德天治。修羅冤敵難。以四天王三十三天俱處此山。故論但顯喻義。合於法。今畧合之。初地法藥。初破無明故。二地戒。六地無漏慧資法身故。三地禪等。可蘊積故。四地道品資助。能生福故。五地修無住。不永滅故。七地功用滿足。無所少故。八地三世間化得自在故。九地善知稠林。得無礙辨。破惑業故。十地如佛降四魔。故皆言集在其中者。如所說事。能生一切物故。不可盡者。隨順修行。不永斷。不暫

息故。鈔四地道品卽第一治貧窮。五地卽第二治死。七地卽第三治儉。八地卽第四治不調伏。九地卽第五治惡。十地卽第六治修羅。

佛子。此十寶山。同在大海。差別得名。菩薩十地亦復如是。同在一切智中。差別得名。

疏第四總結法喻。卽結成本意。本意有二。一。旣同一智。海得差別名。則差非差也。二。互相顯義。謂彼十大山。因海得高勝名。若在餘處。不足爲高故。大海亦因大山得深廣名。合斯大義故。十地亦爾。因修佛智。故得高勝。佛智亦因十地。所不能窮。方顯

深廣故論云因果相顯前言依地卽一切智地生  
長任持故此言依海卽一切智海由深廣故以山  
依二處法合二義故更顯之。又地則但依海兼明  
入故。一一山皆深入大海。一一地智皆入佛智。又  
一一山下皆有於地。則一一地中皆有佛地。又山  
在海。海則非山。山若依地。山卽是地。法合是顯非  
一異義。思之。又山出海上。高下等殊。若入海中。量  
皆齊等。十地教行。則優劣懸差。若證如入智。量皆  
平等。鈔二互相顯者。前意但因依果。今則互依  
佛子。譬如大海。以十種相得大海名。不可移奪。何等

爲十。一次第漸深。二不受死屍。三餘水入中皆失本  
名。四普同一味。五無量珍寶。六無能至底。七廣大無  
量。八大身所居。九潮不過限。十普受大雨。無有盈溢。  
菩薩行亦復如是。以十相故名菩薩行。不可移奪。何  
等爲十。所謂歡喜地。出生大願。漸次深故。離垢地。不  
受一切破戒屍故。發光地。捨離世間假名字故。談慧  
地。與佛功德同一味故。難勝地。出生無量方便神通  
世間所作衆珍寶故。現前地。觀察緣生甚深理故。遠  
行地。廣大覺慧善觀察故。不動地。示現廣大莊嚴事  
故。善慧地。得深解脫。行於世間如實而知。不過限故。

法雲地能受一切諸佛如來大法明雨無厭足故。

疏第三大海十相明難度能度大果功德先喻後合。皆有總別。合中總云不可移奪者。此有二義。一

果海因十地相不可奪。其果海深廣之名。二地行因相由依智海不可奪。其因行之稱。以是海家之

相。故果家之因。故若奪因相。則果亦不成。喻中約果名不可奪。法中舉因名不可奪。文影畧耳。故論

云。因果相順故。云何相順。謂十地如大海。此總舉也。能度難度者。顯因順果也。如海十相方能成海。

得大菩提果。故果順因也。如海成時不失十相。離

十相而無海。離十地而無佛智。故十地卽智海也。

鈔今初總云下。疏文分四。一順釋不奪。二若奪

下。反以成立。三喻中下。會通法喻。成俱不奪。以喻

中云得大海名不可移奪。明約果也。法合則云名

菩薩行不可移奪。故知約因。四故論下。引論證成。

由經影畧。故論雙明。然論具云。難度能度大果功

德者。因果相順故。十地如大海。難度能度得大菩

提果故。今以言揀之。使論易了。然上說有三種地。

一修地。二成地。三法地。今明相順。正在後二度卽

到也。

疏別中攝十爲八。一易入功德。以漸故。二淨功德。三平等功德。四護功德。護自一味。恒不失故。五利益功德。利世間故。六六七二句合爲不竭功德。以深廣故。七任處功德。無功用行是菩薩所任故。經云大身者。以無量身修菩薩行。十身相作故。八末後二句合名護世間功德。九地潮不過限。不悞傷物。知機授法。不差根器。十地若無大海水。溺四洲餘不能受。必生毀謗。又得此二法。用護世間。鈔以深廣故者。六深七廣。餘可知。然涅槃三十三明海有八德。一漸漸轉深。二深難得底。三同一鹹味。

四潮不過限。五有種種寶藏。六大身衆生所居。七不宿死屍。八一切萬流大雨。投之不增不減。釋曰。彼經通喻佛法廣有合相。今喻次第。喻於十地。故加至十。不同彼次。

佛子。譬如大摩尼珠。有十種性。出過衆寶。何等爲十。一者從大海出。二者巧匠治理。三者圓滿無缺。四者清淨離垢。五者內外明徹。六者善巧鑽穿。七者貫以寶縷。八者置在瑠璃高幢之上。九者普放一切種種光明。十者能隨王意。雨衆寶物。如衆生心充滿其願。佛子。當知菩薩亦復如是。有十種事。出過衆聖。何等

撰述  
華嚴疏鈔卷三十九  
爲十。一者發一切智心。二者持戒頭陀正行明淨。三者諸禪三昧圓滿無缺。四者道行清白離諸垢穢。五者方便神通內外明徹。六者緣起智慧善能鑽穿。七者貫以種種方便智縷。八者置於自在高幢之上。九者觀衆生行放聞持光。十者受佛智職墮在佛數。能爲衆生廣作佛事。

疏第四寶珠。喻轉盡堅固功德者。先喻後合。各有總別。總云過衆寶者。論經云過十寶。性雖不列名論。但云過璫璃等。意但取玻瓈等不能出寶者。以況小乘八輩及緣覺行果。但有淨相無利生用。今

以出寶乃至放光則出過衆寶。故取之爲喻。故論云以出故取亦可以出海。故取之。除不出者。闕餘義故。鈔八輩爲八緣覺果行爲一。總成於十。緣覺根利。不數入觀。故無多果。依學無學。但分爲二。無利生用者。合不能出寶。下引論出故取者。正證出寶兼出海義。

疏別中攝十爲八。合六七八故。八中一出功德可取者。選擇出海故。由初地中如智善觀。出煩惱海也。二色功德由治理之。則色明淨故。三形相。四無垢。五明淨。並可知。六起行功德。卽次下三句。謂智

行穿徹。方便行攝持。自在行高顯。故相用不染。猶  
彼瑠璃。頌云金剛。取不動不壞。上二皆是異相莊  
嚴。故合爲一。後二句明功德殊勝。謂七神力功德。  
聞持普照。體用微妙。故八不護功德。謂隨王雨寶。  
無護惜。故約法則得佛正智。受位如王。令一切衆  
生同已善根。歲故如隨意雨寶。故合云廣作佛事。  
合文可知。鈔一出生功德。論具云一出功德。選  
擇而取。以善觀。故疏已折開解釋。  
佛子。此集一切種一切智功德。菩薩行法門品。若諸  
衆生不種善根。不可得聞。

疏大文第九佛子。此集下。地利益分。於中三初顯  
法利益。二如此世界下。結通十方。三爾時復以下。  
他方來證。今初分二。初生信功德。後雨衆天下。供  
養功德。今初復二。先明說益生信。謂欲令物生決  
定信。故說利益。後爾時下。動地生信。今初亦二。  
先總歎難聞。

解脫月菩薩言。聞此法門得幾所福。

疏後解脫月下。問答顯益。

金剛歲菩薩言。如一切智所集福德。聞此法門。福德  
如是。

疏答中二。先正顯等於佛智。

何以故。非不聞此功德法門。而能信解受持讀誦。何況精進。如說脩行。是故當知要得聞此集一切智功德法門。乃能信解受持修習。然後至於一切智地。

疏後何以下。徵以釋成。先反後順。然聞有二義。一者汎爾聞。爲遠益故。二不取聞相。初後圓融。真實聞故。聞已等佛。何更修耶。若更修行等多佛故。

鈔然聞有二義下。疏文分二。先正釋順明。不取聞相。卽涅槃經云。若有聞經。不作聞相。不作說相。不作句相。不作字相。如是一切。乃爲聞經。釋曰。此稱

理而聞。前數已引。從初後圓融。卽此經意。言等佛者。此經說佛智慧觀境。今能正聞。如彼真觀。故云等佛。聞已等佛下。通妨。先妨。後若更下。答。亦由一多無障礙故。

爾時佛神力故。法如是。故十方各有十億佛刹微塵數世界。六種十八相動。所謂動徧動等徧動。起徧起等徧起。踊徧踊等徧踊。震徧震等徧震。吼徧吼等徧吼。擊徧擊等徧擊。

疏第二動地生信中。佛力爲緣。而動地者。亦爲生信故。又法如是者。亦是因也。餘如初會。鈔第二

動地者。然準論經云。一動。二踊。三上去。四起。五下去。六吼。遠公釋云。上去是令人覺下去。謂振下。如世虛物振撼。餘如華嚴品。

雨衆天華。天鬘。天衣。及諸天寶莊嚴之具。幢旛繒蓋。奏天技樂。其音和雅。同時發聲。讚一切智地所有功德。

鈔供養功德者。非謂供養能生功德。顯此法勝。能令供養是地功德。上生信亦然。

如此世界他化自在天王宮演說此法。十方所有一切世界悉亦如是。

爾時復以佛神力故。十方各十億佛刹微塵數世界外。有十億佛刹微塵數菩薩而來此會。作如是言。善哉善哉。金剛藏。快說此法。我等悉亦同名金剛藏。所住世界各各差別。悉名金剛德。佛號金剛幢。我等任在本世界中。皆承如來威神之力。而說此法。衆會悉等。文字句義。與此所說無有增減。悉以佛神力而來。此會爲汝作證。如我等今者入此世界。如是十方一切世界悉亦如是。而往作證。

爾時金剛藏菩薩觀察十方一切衆會。普周法界。

疏第三重頌分。若取長科。卽當第十。於中二。先說

偈儀意。後正顯偈辭。今初先說儀。

欲讚歎發一切智智心。欲示現菩薩境界。欲淨治菩薩行力。欲說攝取一切種智道。欲除滅一切世間垢。欲施與一切智。欲示現不思議智莊嚴。欲顯示一切菩薩諸功德。欲令如是地義轉更開顯。承佛神力而說頌言。

疏後欲讚下說意。意有九句。大旨同前諸會。今約當會以釋。初句卽顯初地。次句卽二地。以三聚戒爲行境故。三卽三四二地。厭禪出世智。皆淨治行力故。四卽五地。五明成種智故。五卽六地。般若能

除垢故。六卽七地。空有無礙。與一切智故。七卽八地。無功不思議智。莊嚴三世間故。八卽九地。十地能說能受諸功德故。九卽總結。便指上八句。如是地義。以頌說之。云更開顯。

其心寂滅恒調順。平等無礙如虛空。離諸垢濁住於道。此殊勝行汝應聽。

疏第二正顯偈辭。有四十二頌分三。初一偈總讚勸聽。後一偈結說無盡。

百千億劫修諸善。供養無量無邊佛。聲聞獨覺亦復然。爲利衆生發大心。

精勤持戒常柔忍。慚愧福智皆具足。志求佛智修廣慧。願得十力發大心。

三世諸佛咸供養。一切國土悉嚴淨。

疏中間正頌分八。初三偈頌方便作滿足地分。於中初二頌半總頌前九地同相中善擇功德。

了知諸法皆平等。爲利衆生發大心。住於初地生是心。永離衆惡常歡喜。

願力廣修諸善法。以悲愍故入後位。戒聞具足念衆生。滌除垢穢心明潔。

觀察世間三毒火。廣大解者趣三地。

三有一切皆無常。如箭入身苦熾然。厭離有爲求佛法。廣大智人趣談地。

念慧具足得道智。供養百千無量佛。常觀最勝諸功德。斯人趣入難勝地。

智慧方便善觀察。種種示現救衆生。復供十力無上尊。趣入無生現前地。

世所難知而能知。不受於我離有無法性。本寂隨緣轉。得此微妙向七地。

智慧方便心廣大。難行難伏難了知。雖證寂滅勤修習。能趣如空不動地。

佛勸令從寂滅起廣修種種諸智業具十自在觀世間。以此而升善慧地。

以微妙智觀衆生。心行業惑等稠林。爲欲化其令起道演說諸佛勝義藏。

次第修行具衆善。乃至九地集福慧常求諸佛最上法。得佛智水灌其頂。

疏餘頌諸地別義。若依總攝。卽次第頌前十地。前八地中唯三地半偈。餘各一頌。九地有三頌兼結入位。

獲得無數諸三昧。亦善了知其作業。最後三昧名受

職。任廣大境恒不動。

疏二有一偈頌三昧分。

菩薩得此三昧時。大寶蓮華忽然現身。量稱彼於中坐。佛子圍繞同觀察。

放大光明百千億。滅除一切衆生苦。復於頂上放光明。普入十方諸佛會。

悉住空中作光網。供養佛已從足入。卽時諸佛悉了知。今此佛子登職位。

十方菩薩來觀察。受職大士舒光照。諸佛眉間亦放光。普照而來從頂入。

十方世界咸震動。一切地獄苦消滅。是時諸佛與其  
職如轉輪王第一子。

若蒙諸佛與灌頂。是則名登法雲地。

疏三有五偈半。頌受位分。

智慧增長無有邊。開悟一切諸世間。欲界色界無色  
界。法界世界衆生界。有數無數及虛空。如是一切咸  
通達。

一切化用大威力。諸佛加持微細智。秘密劫數毛道  
等皆能如實而觀察。

受生捨俗成正道。轉妙法輪入涅槃。乃至寂滅解脫

法。及所未說皆能了。

疏四有三偈半。頌大盡分。

菩薩住此法雲地。具足念力持佛法。譬如大海受龍  
雨。此地受法亦復然。

十方無量諸衆生。悉得聞持持佛法。於一佛所所聞  
法。過於彼數無有量。

以昔智願威神力。一念普徧十方土。霍甘露雨滅煩  
惱。是故佛說名法雲。

疏五有三偈頌釋名分。

神通示現徧十方。超出人天世間境。復過是數無量

億世智思惟必迷悶。

一舉足量智功德。乃至九地不能知。何況一切諸眾生。及以聲聞辟支佛。

疏六有二偈。頌神通力有上無上分。

此地菩薩供養佛。十方國土悉周徧。亦供現前諸聖衆。具足莊嚴佛功德。

住於此地復爲說。三世法界無礙智。衆生國土悉亦然。乃至一切佛功德。

此地菩薩智光明。能示衆生正法路。自在天光除世闇。此光滅闇亦如是。

住此多作三界王。善能演說三乘法。無量三昧一合得。所見諸佛亦如是。

此地我今已畧說。若欲廣說不可盡。

疏七有四偈半。頌前位果。亦是神通分攝。如長行辨。

如是諸地佛智中。如十山王巍然住。

初地藝業不可盡。譬如雪山集衆藥。一地戒聞如香

山。二如毘陀發妙華。

談慧道寶無有盡。譬如仙山仁善住。五地神通如由

乾。六如馬耳具衆果。

七地大慧如尼民八地自在如輪圍九如計都集無礙十如須彌具衆德

疏八有七頌半。頌地影像分。於中初三偈半。頌山喻。

初地願首二持戒。三地功德四專一。五地微妙六甚深。七廣大慧八莊嚴。

九地思量微妙義。出過一切世間道。十地受持諸佛法。如行海無盡竭。

疏次二頌海喻。

十行超世發心初。持戒第二禪第三。行淨第四成就

五緣生第六貫穿七。

第八置在金剛幢。第九觀察衆稠林。第十灌頂隨王意。如是德寶漸清淨。

疏後二頌珠喻。池及地利益分。文畧不頌。

十方國土碎爲塵。可於一念知其數。毫末度空可知量。億劫說此不可盡。

疏其利益分。亦可結說無盡頌之。十地竟

兒童盛士表捐資十兩敬刺

華嚴經法雲地一卷伏願文心映徹喻若澄波景福崇輝方之滿月奎躔夙陟慧命永綿者

願與國文之善以全國民者表命本國者  
 華顯國者表此一容大國之心如前會者如  
 計童國士表計資十國心以  
 氣其財益公亦下歸其罪蓋  
 量測法論其不可盡  
 十六國土有為國曰伏一合  
 龍寶二國未便以又與國益  
 意以具為國者  
 下人買以全國者大國者其  
 大方廣佛華嚴經疏鈔卷四  
 三十九卷

大方廣佛華嚴經疏鈔卷四十

于闐國三藏沙門實叉難陀 譯

清涼山大華嚴寺沙門澄觀撰述

十定品第二十七之一

疏初明來意。先辨會來。會來有二。一約圓融。謂前  
 明普門中所具差別正位。故寄歷人天。今明位後  
 德用。不離普門。是則會別入普。有此會來。重會普  
 光意在斯矣。等妙二位。全同如來普光明智故。二  
 約次第。前明十地。今顯等妙二覺故來。以極果由  
 於始信。故重會普光。謂前依本不動智體。起差別



之位。今位極成果。不離本智之因。後出現因果。因是果中之因。得果不捨因故。果是果中之果。大用無涯故。二品來者。爲答第二會中十定問故。鈔謂前等者。此中意有三節。初第二會爲所依普門。次四會卽普門差別。此會卽會別歸普。初卽根本。次卽依本起末。後卽會末歸本。故言重會普光。意在斯矣。等妙二位者。結成入普所以。以此會說等妙二覺。二覺全同普光明智。卽是會歸之義。問等覺同妙覺。於理可然。妙覺之外。何有如來普光明智爲所同耶。答說等覺說妙覺。卽是約位。普光明

智。不屬因果。該通因果。其由自覺聖智。超絕因果。故七卷楞伽。妙覺位外。更立自覺聖智之位。亦猶佛性有因。有果。有因。因有果。果以因取之。是因佛性。以果取之。是果佛性。然則佛性非因非果。普光明智亦復如是。體絕因果。爲因果依。果方究竟。故云如來普光明智。以極果下。二釋妨。於中二難。一釋重會難。初正通云。謂有難言。若次第明位。何以重會普光。故爲此通。謂前依本下。二顯所以。何以極果由於始信。信依本智而起。今不離本智故。斯則以因成果。攝果酬因。然因有二種。一約本有恒

異述  
法苑珠林卷四十一  
二  
沙性德信解行願等無不具故。二約修起。謂依本信德而起信心。依本解德而起解心。如起信云。以知法性無慳貪故。隨順修行檀波羅蜜等。故一一修起。皆帶本有。俱來至果。無間道中。一時頓圓。解脫道中。因果交徹。名爲得果。果亦有二。一者本有。菩提涅槃。一切佛法。本覺具故。二者修起。今證菩提。始覺悟故。始覺同本。無復始本之異。名究竟覺。則二果無礙。然二因本。從本覺體上起來。則二因與本覺無礙。始覺既同本覺。則果全同於二因。則二因與果交徹。故因該果海。果徹因源。故今重會。

普光表斯玄趣。問若此交徹。卽是圓融。何名次第。答雖帶本有起因。因亦次第。先因後果。故得果雖該於因。亦成次第。故得果後。方說融前。前圓融中。若因若果。並是普光明智差別之德。別常依普。不相捨離。說有前後。成在一時。故不同也。後出現下。二通躡跡之難。謂有難云。極果由於始信。重會普光。極果之後。何得更有平等因果。故爲此通。明此因果。皆屬極果。故不違理。

疏第二釋名。會名有二。約處名。重會普光明殿會。由第二會已曾會此故。重意如前。約法名。說普法。

會。二品名者。定謂心一境性。十是數之圓極。以普賢深定妙用無涯。寄十以顯無盡。故云十定品。卽帶數釋。若依梵本。具云如來十三昧品。以等覺三昧上同佛故。三世諸佛之所行。故云如來三昧。譯家以義通因果。故畧如來二字。然三昧爲定。雖非敵對。由等持心。至一境故。義旨相順。從畧云定。又別行本。名等目菩薩所問三昧經。皆人法雙舉。梵本是依主釋。別行卽依土釋。

疏三宗趣者。會以普賢因果德用圓備爲宗。令物證入爲趣。品以普賢三昧無礙自在無邊大用而爲宗趣。鈔品以普賢等者。不同前文宗趣別證者。有二義故。一者例前令物證入爲趣。二者令諸菩薩亦得無礙自在無邊大用而爲其趣。則此疏文通宗通趣。

疏次正釋文。此會有十一品經。分二。前六明因圓。後五明果滿。若依古德。前九明生解因果。後二明平等因果。前中亦二。前六品明位後因相。後三品明差別果相。然六品之因。若約次第。與前五會俱是差別之因。若約圓融。等同果相。故與果同會。果是對因之果。與因同會。平等因果。由差別成。亦與

此同會。鈔然六品下解妨難。此有二難。今初正  
通重會之難。謂有難云。若約差別因果者。因因不  
同。因與果異。如何等覺之因。與妙覺果同會而說。  
故今答云。若約差別。不合同會。有圓融義。所以得  
同。故云。若約圓融。等因果相故。果是對因下。二有  
難云。若爾。因是圓融。可同果會。果是差別之果。何  
得同因會耶。故今答云。只緣是差別果。對因說果  
是相待之果。劣故同因會。又復難云。對因之果劣  
故。同因之會。平等因果。因果俱勝。何同此會。故今  
通云。平等因果。由差別成。若無差別。平等無依。故

須同會。

疏今初此因即是等覺。然文有等覺之義。而無等  
覺之名者。以此等覺亦卽十地之勝進故。鈔今  
初此因下。第二別顯因門。但釋六品疏文分三。初  
總彰大旨。以諸古德不立等覺。故案定有。

疏是以諸教開合不同。仁王等合此勝進。入於十  
地。是以不立等覺。故教化品中。約五忍分位。於寂  
滅忍。唯有上下。下忍中行。各爲菩薩。卽第十地。上  
忍中行。爲薩婆若。此謂如來。若依瓔珞。開此勝進  
爲無垢地。卽是等覺。然等覺照寂。妙覺寂照。又賢

聖覺觀品中說六種性及六堅六忍等。瑜伽具有二義。七十八引深密經說十一地第十法雲。十一於一切所知境極微細著愚。卽俱生極微細所知障種。二極微細礙愚。卽是任運煩惱障種。斷此便能證大菩提。更不別說等覺斷證。論復有文亦立等覺。又菩薩地云。此菩薩雖已修行功德海滿。由未能捨三種法。故不名妙覺。一由未捨劣無漏法。二由未捨白淨無記法。三由未捨有漏善法。至妙覺位。方捨此三。鈔是以諸教下。二引教成立。雖

有開合疏意扶開。故下結云有等覺明矣。引二經一論文有二節。二經一開一合。一論具於開合。說六種性者。卽彼經第一品。當第三賢聖覺觀品。經云佛子。六種性者。是一切菩薩功德。瓔珞莊嚴菩薩二種法身。菩薩所有百萬阿僧祇功德。行瓔珞。若一切菩薩不入瓔珞功德門。得入正位者。無有是處。佛子。性者。所謂習種性。性種性。道種性。聖種性。等覺性。妙覺性。釋曰。一習種性卽十住。二性種性卽十行。三道種性卽十迴向。四聖種性卽十地。五六可知。復各六堅者。謂信堅。法堅。修堅。德堅。頂

聖覺堅頂堅卽等覺覺堅卽妙覺言六忍者經云  
復名六忍信忍法忍修忍正忍無垢忍一切智忍  
而言等者等取六慧六觀經云復名六慧聞慧思  
慧修慧無相慧照寂慧寂照慧經云復次六觀住  
觀行觀向觀地觀無相觀一切種智觀亦有相承  
說於六定瓔珞無文言六定者一習定二相定三  
性定四道慧定五道種慧定六大覺正觀慧定此  
五種六皆以第五當於等覺故有明矣論復有下  
卽第五十論明百四十不共佛法約因果位辨差  
別中云若時菩薩坐道場住最後身於菩薩道菩

提資糧極善圓滿爾時無師修三十七菩提分法  
得一剎那名無障礙智三摩地是其菩薩學道所  
攝金剛喻定彼疏云此明因滿菩薩位中最後位  
也此位亦名等覺菩薩論從此無間第二剎那頓  
得其餘不共佛法謂如來十力爲初一切種妙智  
爲後皆極清淨悉得無上彼疏云此彰得果釋曰  
準此論文於十地後金剛喻定一剎那中名爲等  
覺第二剎那爲妙覺也故說八義與佛不同論云  
問一切安住到究竟地菩薩智等如來智等云何  
應知此二差別彼疏云此初問也論云一如明眼

人。隔於輕殺。觀衆色像。一切安住。到究竟地。菩薩  
妙智。於一切境。當知亦爾。如明眼人。無所障隔。觀  
衆色像。如來妙智。於一切法。當知亦爾。二如盡事  
業。圓布衆彩。唯後妙色。未淨修治。云如盡事業  
圓布衆彩。最後妙色。已淨修治。三如明眼人。於微  
暗中。覩見衆色。如明眼人。離一切暗。覩見衆色。四  
如明眼人。遠觀衆色。如明眼人。近觀衆色。五如輕  
翳眼。觀視衆色。如極淨眼。觀視衆色。六如處胎身。  
云如出胎身。七如阿羅漢。夢中心行。如阿羅漢  
後覺時心。八如昧燈體。如明燈體。釋曰。其二云云下。

皆先配菩薩。後配如來。唯第六喻。改妙智字。爲一  
身字。第七喻。改智爲心。第八。改智爲體。餘五。皆如  
初句。彼疏釋云。初之五喻。約二智用。以辨差別。第  
八一喻。約二智體。以明差別。第六七喻。如次身心  
以辨差別。觀前五喻。義通生法。二智用。故等覺之  
位。第八識。有漏故。身亦然。義同處胎。卽五八識。有  
漏虛妄。義同在夢。論曰。是故當知。一切安住。到究  
竟地。諸菩薩衆。與諸如來。妙智身心。有八差別。又  
瑜伽論。菩薩地。更有一文。言劣無漏者。唯識第十  
釋轉依中。名所棄捨。謂劣無漏種。卽第十地中所

生現行。金剛道中。方能捨故。二由未捨白淨無記者。卽異熟識。第八地中捨賴耶名。第十地中。猶名異熟識。至如來位。方捨異熟名。無垢識。三由未捨有漏善法者。卽與二障種俱。其二障種。是所斷捨。疏今經欲顯開合無礙。故存其義。不彰其名。下離世間品智慧助道具中。旣云隨順六堅固法。有等覺明矣。鈔故存其義者。卽六堅固法。已是有文有義定矣。下第十三昧。廣說等覺之相。云此菩薩任此三昧。得十種法。同去來今一切諸佛。何等爲十。所謂得諸相好。同於諸佛等。普眼問云。若此菩薩得如來法。同諸如來法。何故不名佛。何故不名十力。何故不名一切智等。亦有十句。普賢具答云。佛子。此菩薩摩訶薩。已能修習去來今世一切菩薩種種行願。入智境界。則名爲佛。於如來所修菩薩行。無有休息。說名菩薩。如來諸力皆悉已入。則名十力。雖成十力。行普賢行。無有休息。說名菩薩。知一切法。而能演說。名一切智。雖能演說一切諸法。於一一法。善巧思惟。未嘗止息。說名菩薩。知一切法。無有二相。是則說名悟一切法。於二不二。一切諸法差別之道。善巧觀察。展轉增勝。無有休息。

生現行。金剛道中。方能捨故。二由未捨白淨無記者。卽異熟識。第八地中捨賴耶名。第十地中。猶名異熟識。至如來位。方捨異熟名。無垢識。三由未捨有漏善法者。卽與二障種俱。其二障種。是所斷捨。疏今經欲顯開合無礙。故存其義。不彰其名。下離世間品智慧助道具中。旣云隨順六堅固法。有等覺明矣。鈔故存其義者。卽六堅固法。已是有文有義定矣。下第十三昧。廣說等覺之相。云此菩薩任此三昧。得十種法。同去來今一切諸佛。何等爲十。所謂得諸相好。同於諸佛等。普眼問云。若此菩薩得如來法。同諸如來法。何故不名佛。何故不名十力。何故不名一切智等。亦有十句。普賢具答云。佛子。此菩薩摩訶薩。已能修習去來今世一切菩薩種種行願。入智境界。則名爲佛。於如來所修菩薩行。無有休息。說名菩薩。如來諸力皆悉已入。則名十力。雖成十力。行普賢行。無有休息。說名菩薩。知一切法。而能演說。名一切智。雖能演說一切諸法。於一一法。善巧思惟。未嘗止息。說名菩薩。知一切法。無有二相。是則說名悟一切法。於二不二。一切諸法差別之道。善巧觀察。展轉增勝。無有休息。

60 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9

撰述

華嚴疏鈔卷四十一

十一

說名菩薩等。下引伊羅鉢那象王。為供帝釋。化身  
上天。或捨象身。現作天身。無能分別。是象是天。象  
之與天。更互相似。此等覺義。豈不昭然。更有餘文。  
恐繁不引。

疏文中分二。前三品正答前問。後三品總顯深廣。  
今初分二。前一品明業用廣大。後一品明智慧  
深玄。前中亦二。初品就定明用。後品就通明用。  
爾時世尊在摩竭提國阿蘭若法菩提場中。

疏前中分五。一序分。二請分。三示說者分。四本分。  
五說分。初中三。初總顯三成就。二始成下。別顯三  
成就。三與十佛刹下。別顯眾成就。

始成正覺。於普光明殿。入刹那際。諸佛三昧。以一切  
智自神通力。現如來身。清淨無礙。無所依止。無有攀  
緣。住奢摩他。最極寂靜。具大威德。無所染著。能令見  
者。悉得開悟。隨宜出興。不失於時。恒住一相。所謂無  
相。

疏二中分三。初約主顯時。二於普光明下。約主彰  
處。三入刹那下。就德顯主。於中十句。卽攝二十一  
種功德中二十別句。總句卽前始成正覺故。鈔  
二十一種功德。要尋昇兜率品。自當曉之。然此段

文那

華嚴疏鈔卷四十一

十一

撰述 華嚴疏鈔卷四十一  
文亦是古德所不能知。今以攝佛功德釋之。有如符契。智者當曉。

疏一入刹那際三昧者。卽窮法真源。謂時之極促。名曰刹那。窮彼刹那。時相都寂。無際之際。名刹那際。卽攝二句。謂二行永絕。及達無相法。若有二行。則有刹那。二行既絕。則刹那無際。由達清淨真如。本無相故。所以此中特名入刹那際者。爲顯將說等覺位故。菩薩地盡。唯有果累無常生相未寂。猶名識藏。若以無間智覺心初起。心無初相。遠離微細念故。卽無刹那。若入此際。卽見心性常住。各究

竟覺。故云諸佛三昧亦顯差別歷位。不離最初刹那際故。鈔所以此中者有三。一總徵說意。前後歎德皆無此故。菩薩地盡下。三釋刹那際。然有二釋。初以本業起信叅而釋之。菩薩地盡。是起信文。義通二處。言唯有果累無常者。卽本業不卷經云。菩薩爾時住大寂門中。登大山臺。入百千三昧。證佛儀用。唯有果累無常生滅二心。心心無爲。行過十地。解與佛同。坐佛坐處等。釋曰。果累無常生滅者。未轉依位。變易生死。名爲果累。體是無常。有生滅也。言生相未寂者。卽起信意。業相未亡也。猶各

識藏者亦起信意未顯現法身故上辯等覺尚有  
剎那未至其際若以無間下釋成除義剎那盡處  
名之爲際故云卽無剎那亦起信文前已曾引若  
入此下釋諸佛三昧亦起信文應有問言上云菩  
薩地盡是等覺者何名諸佛三昧故引此文成諸  
佛義亦顯前來差別下是第二義上約合前後無  
際今明後際不離初際是窮生死之本際。

疏二以一切智自神通力現如來身者依通起用  
此攝二句一切智通卽住於佛住謂由一切智無  
有功用自神通力常作佛事故次現如來身卽攝  
得佛平等謂依上一切智現身利樂有情故。  
疏三清淨無礙攝三句謂清淨攝二句一攝到無  
障礙謂慣習覺慧永斷所治故云清淨二攝不可  
轉法由清淨故他不能轉無礙者卽所行無礙世  
間八法不能礙故。

疏四無所依止無有攀緣卽立不思議謂雖立教  
法不依世間故非諸世間所能攀緣故。

疏五住奢摩他最極寂靜卽普見三世以見三世  
平等如理無異爲最寂靜。

疏六具大威德卽身恒充滿一切世間現受用變

化身大利樂故。

疏七無所染著。卽智恒明達一切諸法。謂於諸法善決定故。無有染也。

疏八能令見者悉得開悟。此攝二句。一攝了一切行。謂知有情性行差別。隨開悟故。二攝除一切疑。謂知彼遠劫微少善根。亦令開悟故。

疏九隨宜出興。不失於時。亦攝二句。一攝無能測身。謂如其勝解而示現身。如摩尼珠。各隨宜出生。不失於時。二攝一切菩薩等所求智。謂調伏有情。攝受付囑等。皆不失時故。

疏十恒住一相。所謂無相。攝餘五句。謂到佛究竟。無二彼岸等。隨義雖殊。皆由一相無相而成。可以意得。餘如升兜率品辨。

與十佛刹微塵數菩薩摩訶薩俱。

疏第三別顯衆成就中五。一舉數。二靡不下。歎德。三其名下。列名。四如是等下。結數。五往昔下。集意。靡不皆入灌頂之位。具菩薩行。等于法界。無量無邊。獲諸菩薩普見三昧。大悲安隱。一切衆生。神通自在。同於如來。智慧深入。演真實義。具一切智。降伏衆魔。雖入世間。心恒寂靜。住於菩薩無住解脫。

疏歎德中十一句。初二句總位極行圓故。餘九爲別。前四自分德。初二行相。一深二廣。後二行體。一定二悲。後五勝進德。前三同佛三業大用。可知。後二同佛無住涅槃。初句釋謂不住涅槃。故入世間不住生死。故心恒寂靜。後句結德屬人。

其名曰金剛慧菩薩。無等慧菩薩。義語慧菩薩。最勝慧菩薩。常捨慧菩薩。那伽慧菩薩。成就慧菩薩。調順慧菩薩。大力慧菩薩。難思慧菩薩。無礙慧菩薩。增上慧菩薩。普供慧菩薩。如理慧菩薩。善巧慧菩薩。法自在慧菩薩。法慧菩薩。寂靜慧菩薩。虛空慧菩薩。一相慧菩薩。善慧菩薩。如幻慧菩薩。廣大慧菩薩。勢力慧菩薩。世間慧菩薩。佛地慧菩薩。眞實慧菩薩。尊勝慧菩薩。智慧菩薩。無邊慧菩薩。

疏三列名中。一百菩薩。初有二十。同名慧者。表純德故。

念莊嚴菩薩。達空際菩薩。性莊嚴菩薩。甚深境菩薩。善解處非處菩薩。大光明菩薩。常光明菩薩。了佛種菩薩。心王菩薩。一行菩薩。常現神通菩薩。智慧芽菩薩。功德處菩薩。法燈菩薩。照世菩薩。持世菩薩。最安隱菩薩。最上菩薩。無上菩薩。無比菩薩。超倫菩薩。無

撰述  
善廣疏金卷四  
疏  
礙行菩薩。光明談菩薩。月光菩薩。一塵菩薩。堅固行菩薩。雲法雨菩薩。最勝幢菩薩。普莊嚴菩薩。智眼菩薩。法眼菩薩。慧雲菩薩。總持王菩薩。無任願菩薩。智威菩薩。心王菩薩。內覺慧菩薩。住佛智菩薩。陀羅尼勇健力菩薩。持地力菩薩。妙月菩薩。須彌頂菩薩。寶頂菩薩。普光照菩薩。威德王菩薩。智慧輪菩薩。大威德菩薩。大龍相菩薩。質直行菩薩。不退轉菩薩。持法幢菩薩。無忘失菩薩。攝諸趣菩薩。不思議決定慧菩薩。遊戲無邊智菩薩。無盡妙法藏菩薩。智日菩薩。法日菩薩。智威菩薩。智澤菩薩。普見菩薩。不空見菩薩。

金剛踊菩薩。金剛智菩薩。金剛談菩薩。金剛慧菩薩。普眼菩薩。佛日菩薩。持佛金剛秘密義菩薩。普眼境界智莊嚴菩薩。

疏念莊嚴下。七十菩薩別名者。表雜德故。

如是等菩薩摩訶薩。十佛刹微塵數。

疏四結數。

往昔皆與毘盧遮那如來同修菩薩諸善根行。

疏五集意。

爾時普眼菩薩摩訶薩。承佛神力。從座而起。徧袒右肩。右膝著地。合掌白佛言。世尊。我於如來應正等覺。

欲有所問。願垂哀許。

疏大文第二。爾時普眼。下請分中四。一普眼請問。要以普眼。方見普法故。

佛言普眼。恣汝所問。當爲汝說。令汝心喜。

疏二佛言下。如來許問。

普眼菩薩言。世尊。普賢菩薩。及住普賢所有行願。諸菩薩衆。成就幾何三昧。解脫。而於菩薩諸大三昧。或入。或出。或時安住。以於菩薩不可思議廣大三昧。善入。出。故能於一切三昧。自在神通。變化無有休息。

疏三普眼下。舉法正問。

佛言善哉普眼。汝爲利益去來現在諸菩薩衆。而闢斯義。

疏四佛言善哉下。歎問利益。

普眼。普賢菩薩。今現在此。

疏大文第三普眼普賢菩薩下。示說者分。以法屬普賢。故示其令請於中有六。一示人令問。二聞名獲益。三推求不見。四教起見方。五依教而求。六爲現身相。今初分三。一示處。

已能成就不可思議自在神通。出過一切諸菩薩上。難可值遇。從於無量菩薩行。生菩薩大願。悉已清淨。

撰述 華嚴疏鈔卷四十一  
所行之行皆無退轉。無量波羅蜜門。無礙陀羅尼門。無盡辨才門。皆悉已得清淨無礙。大悲利益一切衆生。以本願力。盡未來際。而無厭倦。

疏二已能下歎德。

汝應請彼。彼當爲汝說其三昧自在解脫。

疏三汝應請下教問。

爾時會中諸菩薩衆。聞普賢名。卽時獲得不可思議無量三昧。其心無礙。寂然不動。智慧廣大。難可測量。境界甚深。無能與等。現前悉見無數諸佛。得如來力。同如來性。去來現在。靡不明照。所有福德。不可窮盡。

一切神通皆已具足。

疏第二爾時下。聞名獲益中。獲十種益。文並可知。其諸菩薩於普賢所。心生尊重。渴仰欲見。悉於衆會周徧觀察。而竟不覩。亦不見其所坐之座。此由如來威力所持。亦是普賢神通自在。使其然耳。

疏第三其諸菩薩下。推求不見中。有三推求皆悉不見。一渴仰推求不見。二重觀察不見。三以三昧力推求不見。文各有釋。今初先求不見。後此由下。釋不見所以。威力持者。欲令大衆渴仰。得顯深旨。故。

撰述 華嚴疏鈔卷四十一  
爾時普眼菩薩白佛言。世尊。普賢菩薩。今何所在。佛言。普眼。普賢菩薩。今現在此道場衆會。親近我住。初無動移。

疏二重求中三。一審問重示。法本湛然。故初無動移。

是時普眼及諸菩薩。復更觀察道場衆會。周徧求覓。白佛言。世尊。我等今者。猶未得見普賢菩薩其身及座。

疏二是時普眼下。推求不見。猶謂可見。故佛言。如是善男子。汝等何故而不得見。

疏三佛言如是下。釋不見所由於中。二初印定微起。

善男子。普賢菩薩。住處甚深。不可說故。普賢菩薩。獲無邊智慧門。入師子奮迅定。得無上自在用。入清淨無礙際。生如來十種力。以法界藏爲身。一切如來共所護念。於一念頃。悉能證入三世諸佛無差別智。是故汝等不能見耳。

疏後善男子下。正釋所由。以住處甚深故。文有十句。初句總。次八句別。後一句結。別中四對。一廣智勝定深。謂智門無邊有邊之智。焉觀定用。起伏無

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

畏展促自在唯以出世定求故不可見。次二外用內證深。次二得力成身深。後二多護速證深。由上入深故不能見。

爾時普眼菩薩聞如來說普賢菩薩清淨功德得十千阿僧祇三昧。

疏第三爾時普眼下。以三昧力推求不見於中分四。一新獲三昧。

以三昧力復徧觀察。渴仰欲見普賢菩薩亦不能覩其餘一切諸菩薩眾俱亦不見。

疏二以三昧下。以定推求。

時普眼菩薩從三昧起。白佛言。世尊。我已入十千阿僧祇三昧。求見普賢而竟不得。不見其身。及身業。語及語業。意及意業。座及住處。悉皆不見。

疏三時普眼下。自陳不見。

佛言。如是如是。善男子。當知皆以普賢菩薩住不思議解脫之力。

疏四佛言下。釋不見所由於中五。一約法總標。由住難思解脫。翻上三昧可思入故。

普眼於汝意云何。頗有人能說幻術文字中種種幻相所住處不答言不也。佛言普眼。幻中幻相尚不可

說何況普賢菩薩秘密身境界。秘密語境界。秘密意境界。而於其中能入能見。

疏二普眼於汝意下。以近況遠。

何以故。普賢菩薩境界甚深。不可思議。無有量。已過量。舉要言之。普賢菩薩以金剛慧普入法界。於一切世界。無所行。無所住。知一切衆生身。皆卽非身。無去無來。得無斷盡。無差別。自在神通。無依無作。無有動轉。至於法界究竟邊際。

疏三何以下。徵釋所由。釋中二。初畧標深廣。翻上

三昧尚有數故。後舉要下。舉畧顯廣。文有十句。初

句總。以金剛慧達差別法界俱空故。餘句別。由了空故。一世界無任處。二衆生無可化。三寂無去來。四豎無斷盡。五橫泯差別。六體非體故。不礙現通。七用非用故。無依無作。八不離如如。故無動轉。九理事圓故。窮法界邊。

善男子。若有得見普賢菩薩。若得承事。若得聞名。若有思惟。若有憶念。若生信解。若勤觀察。若始趣向。若正求覓。若興誓願。相續不絕。皆獲利益。無空過者。

疏四善男子。若有下。彰見之益。

爾時普眼及一切菩薩衆。於普賢菩薩。心生渴仰。願

得瞻觀。作如是言。南無一切諸佛。南無普賢菩薩。如是三稱。頭頂禮敬。

疏五。爾時普眼下。歸敬彌增。文顯可知。

爾時佛告普眼菩薩。及諸眾會言。諸佛子。汝等宜更禮敬普賢。殷勤求請。又應專至觀察十方。想普賢身。現在其前。如是思惟。周徧法界。深信解。厭離一切。誓與普賢同一行願。入於不二真實之法。其身普現一切世間。悉知眾生諸根差別。徧一切處。集普賢道。若能發起。如是大願。則當得見普賢菩薩。

疏第四教起見方中。勸令策勤前心。次又應下。別

示深觀。上捨境別求。故未識其體。今令十方齊觀。知其體周。下依此觀。是以得見。後誓與下。起願思齊。具上三心。則能得見。

是時普眼聞佛此語。與諸菩薩俱。特頂禮求請得見普賢大士。

疏第五。是時普眼下。依教修行。然普眼位深。而猶重習觀修者。畧有二意。一位未等。故二示深獎物。故。

爾時普賢菩薩。卽以解脫神通之力。如其所應。爲現色身。令彼一切諸菩薩眾。皆見普賢。親近如來。於此

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

一切菩薩衆中。坐蓮華座。亦見於餘一切世界。一切佛所。從彼次第相續而來。亦見在彼一切佛所演說。一切諸別菩薩行開示一切智智之道。闡明一切菩薩神通。分別一切菩薩威德。示現一切三世諸佛。疏第六爾時普賢下。爲現身相。於中五。一爲衆現身。不見顯深現不礙用故。

是時普眼菩薩及一切菩薩衆。見此神變。其心踊躍。生大歡喜。莫不頂禮普賢菩薩。心生尊重。如見十方一切諸佛。

疏二。是時普眼下衆觀喜敬。

是時以佛大威神力。及諸菩薩信解之力。普賢菩薩本願力故。自然而雨十千種雲。所謂種種華雲。種種鬘雲。種種香雲。種種末香雲。種種蓋雲。種種衣雲。種種嚴具雲。種種珍寶雲。種種燒香雲。種種繒采雲。不可說世界六種震動。奏天音樂。其聲遠聞。不可說世界。放大光明。其光普照。不可說世界。令三惡趣。悉得除滅。嚴淨。不可說世界。令不可說菩薩入普賢行。不可說菩薩成普賢行。不可說菩薩於普賢行願。悉得圓滿。成阿耨多羅三藐三菩提。

疏三。是時以佛下。現瑞成益。

爾時普眼菩薩白佛言世尊普賢菩薩是在大威德者。任無等者。任無過者。任不退者。任平等者。任不壞者。任一切差別法者。任一切無差別法者。任一切衆生善巧心所任者。任一切法自在解脫三昧者。

疏四爾時普眼下。歎德廣深。於中十句。無等者。下無等故。無過者。上無過故。餘可知。

佛言。如是如是。普眼。如汝所說。普賢菩薩。有阿僧祇清淨功德。所謂無等莊嚴功德。無量寶功德。不思議海功德。無量相功德。無邊雲功德。無邊際不可稱讚功德。無盡法功德。不可說功德。一切佛功德。稱揚讚

歎不可盡功德。

疏五佛言如是下。如來印述。初印後述。述中十一句。初句總。後所謂下別。別有十德。一。嚴德。二。圓明德。三。深廣德。四。色相德。五。慈覆德。六。超勝德。七。知法德。八。絕言德。九。同佛德。十。讚無盡德。

爾時如來告普賢菩薩言。普賢。汝應爲普眼及此會中諸菩薩衆。說十三昧。令得善入。成滿普賢所有行願。

疏大文第四爾時如來告下。本文有四。一。舉益令說。二。何者下。別所說名。三。此十大下。歎定勝德。四。

是故普賢下結勸成益。今初分二。初勸說成益。諸菩薩摩訶薩。說此十大三昧故。令過去菩薩。已得出離。現在菩薩。今得出離。未來菩薩。當得出離。

疏後諸菩薩下。引例證勸。以三世諸菩薩。若說此定。皆成益故。

何者爲十。一者普光大三昧。二者妙光大三昧。三者次第徧往諸佛國土大三昧。四者清淨深心行大三昧。五者如過去莊嚴嚴大三昧。六者智光明嚴大三昧。七者了知一切世界佛莊嚴大三昧。八者衆生差別身大三昧。九者法界自在大三昧。十者無礙輪大三昧。

三昧。

疏第二列名中。皆云大者。因滿之定。稱法界故。一。普光者。身心業用。周徧全包。爲普。智照自在。名光。二。妙光者。身智徧照。爲光。勝用交映。爲妙。三十方無餘之刹。皆至入定。爲徧往。往無雜亂。不礙時節。歷然爲次第。卽能起用。名神通。以智用如理。本自徧故。四明達。諸法本自清淨。離於想念。契理深心。依此起用。徧供諸佛。請法起說。名之爲行。五佛出劫刹等事。皆名莊嚴。過去門中。包此無盡。爲嚴。亦名過去清淨。嚴者。入定能入劫。一念無緣。起定能

受法。三輪無著皆名清淨。六未來歲中。包含諸佛及佛法等名之爲歲。智慧徹照稱曰光明。七現在諸佛作用。衆會身相益物。皆曰莊嚴。橫徧十方。故云一切現可目覩。故不云歲。八於差別衆生身內。外入定起定。皆自在。故雖通三種世間。從多但云衆生前後諸定。皆從多說。尤於眼等十八界自在入出。又知事法界邊際。與理法界無礙自在。故十無礙輪者。三輪攝化。皆自在。故又得十無礙滿佛果。故無盡大用。一一無礙。皆悉圓滿。能摧伏故。尋初後際。不得邊故。

此十大三昧。諸大菩薩乃能善入。去來現在一切諸佛已說。當說現說。

疏第三歎定勝德。於中四。一約人以歎。人勝故法勝。

若諸菩薩愛樂尊重。修習不懈。則得成就。

疏二若諸菩薩下。約修以歎。於中二。先明修成。

如是之人。則名爲佛。則名如來。亦則名爲得十力人。亦名導師。亦名大導師。亦名一切智。亦名一切見。亦名住無礙。亦名達諸境。亦名一切法自在。

疏後如是下。修益於中亦二。初有十句。明上等佛

果。鈔初有十句者亦是等覺之義顯矣。然一品始末等佛義多。

此菩薩普入一切世界而於世界無所著。普入一切衆生界而於衆生無所取。普入一切身而於身無所礙。普入一切法界而知法界無有邊。親近三世一切佛。明見一切諸佛法。巧說一切文字。了達一切假名。成就一切菩薩清淨道。安住一切菩薩差別行於一念中。普得一切三世智。普知一切三世法。普說一切諸佛教。普轉一切不退輪。於去來現在一一世。普證一切菩提道。於此一一菩提中。普了一切佛所說。

疏後此菩薩普入下。明身智周徧。皆言普入者。一皆窮帝網境。故文顯可知。

此是諸菩薩法相門。是諸菩薩智覺門。是一切種智無勝幢門。是普賢菩薩諸行願門。是猛利神通誓願門。是一切總持辨才門。是三世諸法差別門。是一切諸佛示現門。是以薩婆若安立一切衆生門。是以佛神力嚴淨一切世界門。

疏三。此是諸菩薩下。直就法歎明。此十定該攝諸法體相用等。一一超勝。故十門五對。一境智通悟。二因果游入。三通辨出處。四佛法所從。五嚴土攝。

生罔不由此。

若菩薩入此三昧得法界力無有窮盡得虛空行無有障礙得法王位無量自在譬如世間灌頂受職得無邊智一切通達得廣大十種圓滿成無諍心入寂滅際大悲無畏猶如師子爲智慧丈夫然正法明燈一切功德歎不可盡聲聞獨覺莫能思議。

疏四若菩薩入此下約證以歎前約修歎望於佛果以顯終同此約證歎直就此定以明業用亦二十句前十明勝德無限文顯可知。

得法界智任無動際而能隨俗種種開演任於無相善入法相得自性清淨藏生如來清淨家善開種種差別法門而以智慧了無所有善知於時常行法施開悟一切名爲智者普攝衆生悉令清淨以方便智示成佛道而常修行菩薩之行無有斷盡入一切智方便境界示現種種廣大神通。

疏後得法界智下明智德自在。

是故普賢汝今應當分別廣說一切菩薩十大三昧今此衆會咸皆願聞。

疏第四結勸文並可知。

爾時普賢菩薩承如來旨觀普眼等諸菩薩衆而告

之言。

疏大文第五爾時普賢下。說分中三。初承旨總告。二佛子云何下。別釋十定。三第四十三卷末云。佛子此是下。總結十數。

佛子。云何爲菩薩摩訶薩普光明三昧。

疏二中十定卽爲十段。各有標釋結。

佛子。此菩薩摩訶薩。有十種無盡法。何者爲十。所謂諸佛出現。智無盡。衆生變化。智無盡。世界如影。智無盡。深入法界。智無盡。善攝菩薩。智無盡。菩薩不退。智無盡。善觀一切法義。智無盡。善持心力。智無盡。在廣

大菩提。心智無盡。在一切佛法。一切智願力。智無盡。佛子。是名菩薩摩訶薩。十種無盡法。

疏就初定釋中分五。一。智無盡。二。心無邊。三。定自在。四。智巧現。五。觀超絕。各有佛子以爲揀別。五中初二定方便。次一定體。後二定用。又前三各有標徵釋結。今初釋中十句五對。初二所事所化。次二化處化法。如影者無實故。隨現故。次二攝護始終。次二所持能持。後二始心終願。

佛子。此菩薩摩訶薩。發十種無邊心。何等爲十。所謂發度脫一切衆生無邊心。發承事一切諸佛無邊心。

發供養一切諸佛無邊心。發普見一切諸佛無邊心。發受持一切佛法不忘失無邊心。發示現一切佛無量神變無邊心。發爲得佛力故不捨一切菩提行無邊心。發普入一切智微細境界說一切佛法無邊心。發普入佛不思議廣大境界無邊心。發於佛辨才起深志樂領受諸佛法無邊心。發示現種種自在身入一切如來道場衆會無邊心。是爲十。

疏第二心無邊者。前明所知無盡。今辨對境發心。以境無邊。故心無邊。有十一句者。增數十也。

佛子。此菩薩摩訶薩。有十種入三昧差別智。何者。爲十。所謂東方入定。西方起。西方入定。東方起。南方入定。北方起。北方入定。南方起。東北方入定。西南方起。西南方入定。東北方起。西北方入定。東南方起。東南方入定。西北方起。下方入定。上方起。上方入定。下方起。是爲十。

疏第三定自在者。由前大智大心。故於三昧自在。方處非一。入出不同。故云差別。文並可知。

佛子。此菩薩摩訶薩。有十種入大三昧善巧智。何者。爲十。佛子。菩薩摩訶薩。以三千大千世界爲一蓮華。現身徧此蓮華之上。結跏趺坐。身中復現三千大千

世界其中有百億四天下。一一四天下。現百億身。一身入百億百億三千大千世界。於彼世界。一一四天下。現百億百億菩薩修行。一菩薩修行。生百億百億決定解。一決定解。令百億百億根性圓滿。一一根性成百億百億菩薩法不退業。然所現身非一非多。入定出定。無所錯亂。

疏第四智巧現分三。初標。二徵。三釋。初法說中二。初十句別明展轉深細。一總顯離相分明。

佛子。如羅睺阿修羅王。本身長七百由旬。化形長十六萬八千由旬。於大海中。出其半身。與須彌山而正齊等。佛子。彼阿修羅王。雖化其身。長十六萬八千由旬。然亦不壞本身之相。諸蘊界處。悉皆如本。心不錯亂。不於變化身。而作他想。於其本身。生非已想。本受生身。恒受諸樂。化身常現種種自在神通威力。

疏二舉喻。

佛子。阿修羅王。有貪恚癡。具足驕慢。尚能如是變現其身。何況菩薩摩訶薩。能深了達心法如幻。一切世間皆悉如夢。一切諸佛出興於世。皆如影像。一切世界猶如變化。言語音聲。悉皆如響。見如實法。以如實法而爲其身。知一切法。本性清淨。了知身心。無有實

體其身普任無量境界。以佛智慧廣大光明淨修一切菩提之行。

疏三佛子阿修羅下以劣況勝。菩薩摩訶薩。在此三昧。超過世間。遠離世間。無能惑亂。無能映奪。佛子。譬如比丘。觀察肉身。任不淨觀。審見其身。皆是不淨。菩薩摩訶薩。亦復如是。任此三昧。觀察法身。見諸世間。普入其身。於中明見一切世間。及世間法。於諸世間。及世間法。皆無所著。疏第五觀超絕中。分三。初法二喻。三合。異前化現。故云法身。法性包含。故一時頓見。由此義故。無能

映奪。故云皆無所著。

佛子。是名菩薩摩訶薩。第一普光明大三昧善巧智。疏佛子下總結。

佛子。云何爲菩薩摩訶薩妙光明大三昧。疏二妙光明大三昧分三。初標。

佛子。此菩薩摩訶薩。能入三千大千世界微塵數三千大千世界。於一一世界。現三千大千世界微塵數。身。一一身。放三千大千世界微塵數光。一一光。現三千大千世界微塵數色。一一色。照三千大千世界微塵數世界。一一世界中。調伏三千大千世界微塵數。

衆生是諸世界種種不同。菩薩悉知所謂世界雜染。世界清淨。世界所因。世界建立。世界同住。世界光色。世界來往。如是一切。菩薩悉知。菩薩悉入。是諸世界亦悉來入菩薩之身。然諸世界。無有雜亂。種種諸法亦不壞滅。

疏二釋二。初法中四。初佛子此菩薩下。明身雲展入。二明身智俱入。三明其卷入。四明展卷無礙也。佛子。譬如日出。繞須彌山。照七寶山。其七寶山。及寶山間。皆有光影。分明顯現。

疏二喻。文有二。喻。喻前互入無雜亂義。文分爲二。

一寶山光影喻。二先喻有五。初佛子譬如下。明日光影現。喻七寶山者。卽七金山。如十地末所列其名。但除妙高及雪香二山。山間有七香海。海現日影。山以淨金。亦能現影。

其寶山上所有日影。莫不顯現。山間影中。其七山間所有日影。亦悉影現。上影中。如是展轉。更相影現。疏第二。其寶山下。明兩影互現。正喻菩薩自他互入。以彼影明淨。如今之鏡。故能互現。

或說日影出七寶山。或說日影出七山間。或說日影入七寶山。或說日影入七山間。

疏第三或說日影下。得明不同。謂水中本影。現山上影時。此所現影。從山上出。來入山間。若山上本影。現水中影時。此所現影。從山間出。入七金寶山上。故正入時。卽名爲出。所謂可知。

但此日影。更相照現。無有邊際。

疏第四但此下。明重現無盡。喻菩薩帝網身上。

鈔重現者。古德立帝網義。經有帝網之名。而無廣說之處。以昔未有此品經文。故此一段文。可誠證也。

體性非有。亦復非無。不住於山。不離於山。不住於水。

亦不離水。

疏五體性下。明體離二邊。既離二邊。故能互現。而無雜亂。謂取不可得。故非有。影現分明。故非無。不住不離者。謂不住成上。非有。不離成上。非無。若有定住。則不能相入。若其離者。則無可相入。故不住不離。方能相入。

佛子。菩薩摩訶薩。亦復如是。住此妙光廣大三昧。不壞世間安立之相。不滅世間諸法自性。不住世界內。不住世界外。於諸世界。無所分別。亦不壞於世界之相。觀一切法。一相無相。亦不壞於諸法自性。住真如。

性恒不捨離。

疏二佛子下。法合。直明不壞不住。故得互入無亂。明不壞性相。謂若壞性相。則無可相入。若住內外。則不能相入。謂若住世間內。則不能身包世界。若住世界外。則不能徧入世界。由俱無住。故能互入。次釋其所以。由定無分別。而不壞相。慧觀一相。而不壞諸。鈔於諸世界下。釋上不壞不住之所以也。此句標。從由定無分別下。正釋所以。先釋兩對經文。前對約定。後對約慧。定慧之中。皆權實無礙。而動靜相卽。上句釋於諸境界無所分別。亦不壞。

於世界之相。次句慧觀一相而不壞諸。卽釋經觀一切法一相無相。亦不壞於諸法自性。

疏既事理雙遊。故不壞不住。鈔既事理雙遊下。結成釋上定無分別。慧觀一相。故不住也。定不壞相。慧不壞諸。故不壞也。又二句中不壞卽不壞相。二句中無分別觀一相。故卽不壞性。二句中不壞諸相。故不住理。二句中無分別觀一相。故不住事。故由雙遊。故得不壞不住。

疏若不壞不住。則住真如。恒不捨離。鈔若不壞下。釋經住真如性。恒不捨離。不壞性相。故住真如。

以真如卽事而真故。由無所任。故任真如。良以諸法本無任。故若心有任。則爲非任。故大品云。若任一切法。不任般若。若波羅蜜。不任一切法。則任般若。若波羅蜜。又云。若任一切法。不任一切法。若不任一切法。則任一切法。故上經云。一切法無任。定處不可得。諸佛任於此。畢竟不動搖。善知識云。無任任者。則任真如。卽其事也。

疏既卽事不捨。故相隨性而融通。如無不在。故同真如。而內外互入。鈔既卽事不捨下。結成喻中。重現無盡之義。謂由任卽事真如。如融於事。事便

如理。理既無所不在。故身卽理。亦無所不徧。真如無所不包。故卽如之身。亦含一切。故云如無不在。故同真如。內外互入。

佛子。譬如幻師善知幻術。

疏二。幻師善巧喻。初總喻二。初喻三。初佛子譬如下。總明能幻。

任四衢道。作諸幻事。於一日中。一須臾頃。或現一日。或現一夜。或復現作七日七夜。半月一月。一年百年。隨其所欲。皆能示現。城邑聚落。泉流河海。日月雲雨。宮殿屋宅。如是一切。靡不具足。

疏二住四衢下。明依本時處。現幻時處。喻互相入。不以示現經年歲。故壞其根本。一日一時。不以本時極短促。故壞其所現日月年歲。幻相明現。本日不減。疏後不以示現下。本末互不相礙。喻不壞相。

菩薩摩訶薩。亦復如是。入此妙光廣大三昧。現阿僧祇世界。入一世界。其阿僧祇世界。一一皆有地水火風大海諸山。城邑聚落園林屋宅。天宮龍宮。夜叉宮。乾闥婆宮。阿修羅宮。迦樓羅宮。緊那羅宮。摩睺羅伽宮。種種莊嚴。皆悉具足。欲界色界無色界。小千世界大千世界。業行果報。生此死彼。一切世間所有時節。

須臾晝夜半月一月一歲百歲。成劫壞劫。雜染國土清淨國土。廣大國土狹小國土。於中諸佛出興于世。佛刹清淨。菩薩衆會。周匝圍繞。神通自在。教化衆生。其諸國土所在方處。無量人衆。悉皆充滿。殊形異趣。種種衆生無量無邊。不可思議。去來現在。清淨業力。出生無量上妙珍寶。如是等事。咸悉示現。入一世界。疏後菩薩下。合中五。一明一多。相容不同。合上現多時處。

菩薩於此普皆明見。普入普觀。普思。普了。以無盡智。皆如實知。

疏二菩薩於此下。明智鑒不昧。合前能幻之術。

不以彼世界多故壞此一世界。不以此世界一故壞彼多世界。

疏三不以彼下。合不壞本末之相。答不同合上更何以故。

疏四何以下。釋徵所由。先徵意云。何以互入。得不壞相。

菩薩知一切法。皆無我故。是名入無命法。無作法者。

菩薩於一切世間。勤修行無諍法故。是名任無我法者。

菩薩如實見一切身。皆從緣起故。是名任無眾生

法者。菩薩知一切生滅法。皆從因生故。是名任無補

伽羅法者。菩薩知諸法本性平等故。是名任無意生

無摩納婆法者。

疏釋意有三。一由知人無我故。人我之相。已見上文。

菩薩知一切法本性寂靜故。是名任寂靜法者。菩薩

知一切法一相故。是名任無分別法者。菩薩知法界

無有種種差別法故。是名任不思議法者。

疏二菩薩知一切法本性下。知法無我故。

菩薩勤修一切方便。善調伏眾生故。是名任大悲法

者。

疏三菩薩勤修下。得同體大悲故。由此故能融通事理。

佛子。菩薩如是能以阿僧祇世界。入一世界。知無數衆生種種差別。見無數菩薩各各發趣。觀無數諸佛處處出興。彼諸如來所演說法。其諸菩薩悉能領受。亦見自身於中修行。

疏第五佛子菩薩如是下。結成上義。於中三。一。結上多入一。

然不捨此處。而見在彼。亦不捨彼處。而見在此。彼身此身。無有差別。入法界故。

疏二然不捨下。結上不壞性相。常勤觀察。無有休息。不捨智慧。無退轉故。

疏後常勤下。結上明鑒。

如有幻師隨於一處作諸幻術。不以幻地故。壞於本地。不以幻日故。壞於本日。

疏第二別喻中有三逆喻。總中三段。一。幻不壞本喻。別喻不壞相。二。如世幻者下。幻必依處喻。別喻前依本時處。現多時處。三。如彼幻師作諸幻事下。明幻師不迷喻。別喻前能幻。今初先喻。

菩薩摩訶薩亦復如是。於無國土。現有國土。於有國土。現無國土。於有衆生。現無衆生。於無衆生。現有衆生。無色。現色。色。現無色。初不亂後。後不亂初。

疏後合。合中先正合。

菩薩了知一切世法。悉亦如是。同於幻化。知法幻故。知智幻。知智幻故。知業幻。知智幻業幻已。起於幻智。觀一切業。

疏後菩薩了知下。釋其所以。無世間外。如世幻者。不於處外。而現其幻。亦不於幻外。而有其處。

疏第二幻必依處喻。先喻後合。喻中畧無幻必依時。準合應有。

菩薩摩訶薩亦復如是。不於虛空。外入世間。亦不於世間外。入虛空。

疏合中分二。先合依處。後合依時。前中初總合。以記物現故。空卽事空。

何以故。虛空世間。無差別故。

疏次何以以下。徵釋所以。由理無差故。

住於世間。亦住虛空。菩薩摩訶薩。於虛空中。能見能修一切世間種種差別妙莊嚴業。

疏後任於世下。結成自在。

於一念頃。悉能了知無數世界。若成若壞。亦知諸劫相續次第。能於一念現無數劫。亦不令其一念廣大。疏二於一念下。合於依時。於中先正顯。

菩薩摩訶薩。得不思議解脫幻智。到於彼岸。任於幻際。入世幻數。思惟諸法。悉皆如幻。不違幻世。盡於幻智。了知三世。與幻無別。決定通達。心無邊際。如諸如來。任如幻智。其心平等。菩薩摩訶薩。亦復如是。知諸世間。皆悉如幻。於一切處。皆無所著。無有我。所疏後菩薩摩訶薩。得下釋其所由。以得幻智。同於

佛故。

如彼幻師。作諸幻事。雖不與彼幻事同住。而於幻事亦無迷惑。菩薩摩訶薩。亦復如是。知一切法。到於彼岸。心不計我。能入於法。亦不於法。而有錯亂。

疏第三幻師不迷喻。文並可知。

是為菩薩摩訶薩。第二妙光明大三昧善巧智。

信士嚴翼捐資六兩四錢四分刻此一卷。上薦先考默庵公母仲氏。仗此良因。超悟法界。更祈以善根福德。因緣世世生生同會一處。

大方廣佛華嚴經疏鈔卷四十

終





五十四十五

